


廣南府志



道光乙酉歲鑄

廣西書院

培風書院
藏板

纂刻郡誌徵事實啓



蓋聞吳越儒雅曾傳斷髮文身荆楚
風騷猶記蠻音駛舌蠶叢魚服揚雄
與司馬同興桂嶺珠江馮盎共陳元
並著入金馬碧雞之界人欽忠壯文
襄過蒼山洱海之間家頌敦夫震父
地閱歲時而子異天開文運以呈祥

廣南府

啓

一

我廣南夙隸沙儂雜居苗獠二明之
代既乏傳人邊徼之區訖無作者今
沐

聖朝菁莪之化黨庠術序肇其規又蒙

大吏經籍之頒法令典章宣其教艾
男葉女咸知孝弟力田穉子隸丁漸
識詩書執禮雖名儒碩彥繼起者未

之或知而竒節孤行伏處者有可頗
採幸逢

何太守纂修郡誌欲為我荒陬彰表
鄉賢綜千里之幅幘遺逸必備開百
年之風氣盛事須傳如有菽水承歡
繼宗筭祥麟之異棣華式好媿田荆
姜被之休慷慨輸財誼篤媿睦任恤

廣南府誌

啓文

二

匍匐救難情殷水火饑寒其或著節
疆場馬革無妨裹體亦有清修環堵
猪肝不以累人文成繡虎雕龍不求
聞遠學究瑯函寶笈未免沉淪似此
瑰竒允宜記載又如鹿車共挽桓少
君閩範堪師鴻案齊莊孟德曜閨儀
可則和丸畫荻抑有前徽續史聯詩

非無佳話青衣待字偏羞賣絹牙郎
紅袖仆鴛甘忍受笞主父馳閨閣之
令譽標釵釧之香名又有射必穿楊
力能扛鼎醫卜星象技也通神奴隸
庸流心乎慕道沙門飛錫而證佛羽
客餐霞以登仙倘綴簡篇都光梓里
瑋等學懃測蟲術愧雕蟲供三輯於

蒞廳敢稱博士殫校讐於梅下止類
鈔胥所望里閉聞人鄉閭俊士探奇
訪異俾潛德苦節之畢彰索隱窮幽
庶匪跡韜聲之咸顯或裁為記序或
譜入詩歌無妨文言以道俗情幸勿
諛詞而沒實行上請
使君袂擇下糾工匠雕鏤以日郡邑

沉傳暇紀一邦文獻他時

國家採取自足千載權輿謹啓

邑人

王佩瑋 雷萬欽 龔思醇
戴清 李如珠 胡萬齡 全啓
胡慶元 嚴為琛 丁生聰

嘉慶庚辰年孟春月下澣



廣南府志

藝文

四

廣南府誌序

廣南邊徼地仕途畏為烟瘴之區也
明代土司自治之府自我

朝康熙十八年始隸版圖設官吏建學
校置弟子員前乎此者賢士大夫游
覽所不到記詠所不及也初予承乏
此土念非周知四境土俗民情無以

廣南府誌

序文

五

為治即某山某水鳥獸草木一石亦
足資言詠屬文詢得前守單公光國
編輯志畧四本公餘披閱惜其轉展
傳鈔脫落錯謫後因諸生就正試藝
乘巽春日麗長夏風清集諸荷花廳
次淪泉煮茗羅列楮墨環坐讐校會
有沿襲謬妄者殫耳目之所睹記別

白訂正舊本本文藝諸生請以杜
撰詩文暨時人雜著補入予笑曰非
所謂傲帚享之千金者耶既而郡人
復遠搜博採徵境內之忠孝節義嘉
言媿行可歌可泣者彙請哀集闡潛
德發幽光亦誌例也溯誌書之作始
於常璩之華陽國志盛宏之荆州

記厥後竟相祖習凡一颯一息不
各為之志雲南非獨李元陽通志已
也若唐之樊綽徐雲虔袁滋明之楊
慎陳善彭汝實吳懋諸君子咸能編
摩紀錄炳煥華夷廣南處滇極邊唐
宋時却隸邕州羈縻今則衣冠禮樂
與中土等愚自維吏治倥傯塵容俗

狀學問文章更茫然無所得雖強作
解人草具誌藁而考據或欠精詳冗
長失於裁翦罅漏疎於補苴諸難自
信猶期聘請碩學鴻儒擅才學識三
長者而叅訂焉乃廣為延訪訖不可
得歲月如流予歷俸瞬滿被檄述職
址上笑亟以寫本藏之行篋抵古

廣南府誌

序文

七

師得質証於名宿乃同年舊誼只餘
三五大老位尊而望重官顯而務繁
未便情請後起之彥又執禮謙冲堅
辭焉而不敢操觚是以荷蒙

恩旨回任仍摯摯而歸郡人士請曰自公
蒞任百廢具興人文蔚起固已淪浹
衆志家祝而戶頌矣惟府誌未刊勒

成書豈不毫髮遺憾歟予曰唯唯
諸君言吾詎忘之也哉第文俚而鋟
板垂世梨棗何辜正恐如江南號為
訕癡符耳雖然廣南百數十年來涵
濡

聖澤聲名文物科目迭興予又守此日久
使郡誌依然缺如後來繼今者將詆

廣南府誌

序文

八

議愚謂某守廣南十餘年一誌書不
克襄厥成哆口設文章吏治毋乃舛
乎又豈某領郡十餘年猶得曰邊徼
烟瘴游覽未到記詠未及乎是以微
諸君言亦將點竄排比舉而付之削
剗也誌成因序其原委如此

道光五年歲次乙酉孟春月

賜同進士出身雲南廣南府知府俸滿候
陞平樂不園何愚誤

何愚

平樂

廣南府誌

序文

九

初輯郡誌序

廣南一郡自趙宋分道已入疆域元明設府歷代服從非若蒼山洱海金齒葉榆或順或梗何以延至今日尚無郡誌可稽誠不可解也鳳自少年一行作吏萬里奔馳歷秦楚而來迤西又自楚雄而調茲郡雖同在瘴鄉而所轄惟土州焉無他邑其地之荒僻事之掣肘又為四郡之寡未免智勇交困但念已蒙

廣南府誌

序文

十

簡拔即才如襪線何敢以因陋就簡居心任事以來凡有缺墜力圖修舉如學校請設

文廟捐建故丁亥戊子歲科兩試例得文武生二十餘人而文武棘闈亦遂各得一人中選自謂此舉差慰素心若郡誌昔無傳書尤厪於懷迄無成帙蓋以郡之有誌猶國之有史也必得士著賢士大夫年高德劭之父老廣集眾思闡幽發隱乃可從事廣南尚未有學校安所得士大

夫即村寨一二耆舊類皆荷鋤秉耒巒語難通
於此而欲空中結撰樓閣當亦神工鬼斧所望
而却走徒有歛然悵然畱作未了公案而已茲
當報政期滿如切

恩命量移他所以致夙願終虛畢生難釋勉採通志
內列於廣南條下數語再叅以己之所見所
及所傳聞者草創是編譬諸行萬里者始動足
而下床為山九仞者先覆一簣以冀他日黨庠


廣南府誌

序文

十一

英才蔚起而守是邦者取是編而潤色鴻業積
漸成章庶幾往者不可追而來者不終於湮沒
此則鳳誌郡之志大慰云爾

康熙四十六年知廣南府事宛平茹儀鳳謨



纂修廣南府志畧

史以輔經也經則典謨訓誥畫卦陳疇凡夫民俗歌謠官禮賞罰載之簡冊為法為戒史則禮樂制度是非曲直纂修編輯以垂不朽其義一也而余以為郡邑有志亦猶國之有史若圖象若建置若山川若財用以及官師學校兵防文之類叅互考訂彙而誌之一日之記載實關百世之見聞詎淺鮮哉廣南唐六詔徼地宋分

廣南府誌

序文

十三

東西兩路廣南於時為廣源州屬左江道元始立廣南西撫司於雲南即

今府治之始也恭惟

本朝定鼎以來

聲教四訖

重熙累洽久道化成我

皇上踐祚之年添設附郭寶寧縣經畫周詳以致邊徼夷疆輸誠向

化一切城池官廨府庫倉儲學宮壇廟莫不釐然
具備而獨志乘未修洵闕典也歲在庚子余自
楚雄移守茲土歷稽軼事渺無見聞教授蔡馨
陳初輯郡志一本係前府茹公儀鳳於康熙四
十七年手錄嗟乎閱今已八十載矣其間繼繼
承承豈乏名雋光國一介庸愚弗逮前諸君遠
甚然而躬邀
盛典報稱維艱况當

廣南府誌

序文

十三

文教昌明之日幸值風雲日啓之時使任其志典
闕如將何以風斯民而宣

聖化用不自揣勉為纂修似創也而實為因固已有
初輯焉者是因也亦可為創則以初輯之去今
已遠矣爰是擴其見聞蒐羅薈萃編輯四卷而
志畧成焉雖然既志矣又何言畧夫亦曰其大
畧也云爾使後之君子可徵足信以為合人情
宜土俗之一助更由其畧以求其備復起而潤

色之則廣南之幸也抑余之厚幸也夫
乾隆四十六年知廣南府事婺源單光國撰



廣南府誌

序文

十四

廣南府誌卷之一

凡例

一府誌纂脩原委見於前府單公光國序中初名志畧今更歷數十年徵考賅備不得更言畧矣故直稱廣南府誌

一志畧內未載圖說今查通志以圖說冠首次星野次山川及學校風俗皆依通志次序

一志畧如山川則必有數句山峙川流語如疆域

廣南府誌

凡例

十五

則必有數句藩垣門戶語幾如策括冒頭覽之生厭故皆從刪

一志畧向無詩文而文藝項下止錄築城建學設官置兵奉行文書為一帙約六七十頁今諸生請將建置原委於各條下聲叙以記叙詩文及郡人士雜著彙為藝文以符體制

一郡志創自前守茹公至單公則纂為志畧足見苦心採輯不鄙薄邊夷之意今各條採之志畧

考皆為注明即二公記序亦不敢妄事修飾以
存其真

一誌內各條款有諸生手記者於各條下載明至
沿通志及志畧者不復逐一悉載

廣南府誌卷之一

目錄

卷一

圖說

星野

氣候附

山川

關梁 堰閘附

建置

沿革附

疆域

形勢附

廣南府誌

目錄

十七

城池

公署附

卷二

學校

書院 義學 經籍附

風俗

種人附

民戶

村寨附

田賦

徵貯 經費 課程附

祭祀

寺觀附

卷三

兵防

郵旅

塘汛 鋪遞 道里附

秩官

土官附

名宦

選舉

中式 選拔 歲薦附

人物

忠烈 貞節 人瑞 流寓附

古蹟

物產

廣南府誌

目錄

十八

卷四

藝文



自啓文 至 目錄 止 通計十八篇

廣南府誌

卷一 圖說

二

府城圖





廣南府誌

卷一

圖說

三




廣南府誌

卷一

圖說

四



廣南府誌

卷一

圖說

五

城東圖



城西圖



廣南府誌

卷六


圖說

六



西界開化
計程二百
二十五里

圖南城



東南界廣西鎮安
計程二百九十里

南界交
証保樂
州計程
五百二十
里

廣南府誌

卷八


圖說

七

西南界開化
程二百五十五里



東北界廣西
西林縣計程
一百四十里



城北圖

北界廣
西西隆
州計程
二百里

西北界廣西州
印北計程二百
八十里



廣南府誌

卷一 圖說

八

千總馮良玉繪圖

廣南發於蒙自日則山連岡疊嶂不可勝紀去
出過舊維摩州之五槽東入府境起花架祛不
諸山土富州治在焉北出阿紀汎紅石巖府脈
之所經木王蓮花諸山之間則府治是板郎速
部連峰際天科巖馬迹層崖疊峙西洋作池寶
月爲關一人守險萬夫坐廢儂智高所由竄伏
也前明富州交趾構釁連兵而密邇山城無由
游及豈非有險足恃乎第山多遐阻交廣皆通

版朝道路尤爲要害云

通志

廣南南北境相距七百餘里東西境相距六百六十里中間岡巒稠疊鳥道崎嶇夏秋不免烟瘴山脚爲田山腰爲寨民夷結屋而居或十餘家或數十家爲一寨二三十寨爲一大寨漢夷雜處鄉約保正約束漢人該管布斗約束夷人漢人衣冠如常夷人有沙儂猺獠獯獯種大約男則青衣跣足或披羊皮或着麻布

廣南府誌

卷一 圖說

九

居地坐婦女則短襖桶裙項圈頭裹青白花其俗婚嫁先議財禮疾病不藥專禱鬼神喪葬祭祀用牛四五月栽插時椎牛祭龍祈雨年節慶賀與漢人同山地不自殖租與川楚黔粵貧民墾種故近年民物繁滋去來無定夷性多獷悍貪鄙漢人則柔惡險詐凡因事忿爭先投該管鄉約等理論再赴土司呈訴不平然後赴府縣申理地方官嚴約土司聽斷廉平民夷自然

畏服自設官建學以來夷人子弟讀書習禮近
日各寨衣冠濟楚列庠序者不少境南接壤交
阨有河爲界夏秋水漲難越冬春易於褰涉須
嘗申示例禁嚴飭守卡弁兵加意防範今交阨
恭順向化守法亦能嚴禁彼人不敢私入內地
邊境十分靜謐

平樂何愚識

雲南府貢生溫如春校刊

廣南府誌卷之一

星野 氣候附

天文幽邈難言宋宗伯王厚齋應麟著玉海困
學紀聞等書閱覽博物君子也後人猶謂其於
天文似有不知者如稗史類編指摘者是愚於
星象盲於心並盲於目烏容置喙志畧以滇
井鬼星野宜從其同殊未思廣南在宋隸營
唐以前隸交趾豈今日地入雲南星度亦隨

廣南府誌 卷一 星野

移耶若氣候固身歷之而能言之也無已請
其舊誌星野附氣候

星象考

南方朱鳥七宿東井八星行列河中張衡以爲天之南門輿鬼

四星冊方以木櫃張衡以爲天目於分爲秦於野爲梁雍二

州史記天官書曰觜觴參益州東井輿鬼雍州

前漢地理志曰秦地東井輿鬼之分野前漢天文曰漢

元年十月五星聚於東井此漢王西南有戕河
入秦受命東井爲秦之地明效也

越嶲益州自井十度至柳三度謂之鷄首之次秦之分也魏地觜觿參之分野也通志

井宿步天歌

井 八星近列河中靜一星名鉞井邊安兩河
各三南北正天樽三星井上頭樽上橫列五諸
侯侯上北河西積水欲覓積薪東畔是鉞下四
星名水府水府東邊四星序四瀆橫列南河東
南河下頭是軍市軍市團圓十三星中有一心

野雞精孫子丈人市下列各立兩星從東說

邱兩箇南河東邱下一狼光蒙茸左畔九箇

弧弓一矢擬射頑狼宵有箇老人南極中春秋

出入壽無窮通志

鬼宿步天歌

鬼 四星冊方似木櫃中央白者積屍氣鬼上
四星是燿位天狗七星鬼下是外厨六間柳星
次天社六箇弧東倚社東一星是天紀通志

井鬼躔度攷

東井八星與鬼四星南方朱鳥七宿之首與目也按古載井宿赤道三十三度三十一分黃道三十一度三分鬼宿赤道二度二十分黃道二度二十一分

本朝分度井宿三十一度鬼宿五度皆屬未宮漢天文志起井十六度唐志起井十二度晉志起費直皆同唐志蔡邕起井十度明起井九度

十八分四十一秒

本朝起井初度蓋以赤道分天之中亘古不易黃道爲日月五星之常道不能不因歲差而變易也論分野者惟以赤道爲準井鬼之星於分爲秦於野爲雍梁二州爲巨蠓宮爲鶉首未宮井宿則雨水昏中鬼宿則春分昏中

通志

北極出度攷

雲南北極出度二十二度四時之日皆出卯入

酉其間微分初刻正刻耳與京師出寅入戌出辰入申不同者以京師北極出地四十度強故也通志

按漢班固皇甫謐費直蔡邕唐僧一行宋太史何承天元太史郭守敬明誠意伯劉基皆曰滇在井鬼之分

通志攷辨云天狼弧矢在井鬼南主南夷之地占南夷者必於狼則志滇分野者亦必於井

廣南府誌

卷一

星考

十四

以上各條皆鈔錄志畧不敢損益一字第

之諸書廣南在唐宋隸邕州自應翼軫分野

今通志以爲井鬼愚素昧天文無從辯正故

概從其舊

氣候附

地少霜雪山多嵐霧三時瘴癘至冬始消氣候頗類元江

通志

府境土浮而水薄寒暑無常陰晴靡定卽一晝一夜之間其寒燠亦倏忽頓易凡客遊宦處者飲食起居倍難調攝

志畧

風土節令各郡畧同惟廣南列於烟瘴之地以寒暑不常山水異性故也近城數十里猶

調攝若飯朝剝隘板蚌等地尤悶熱春夏有草瘴秋深有黃茅瘴直至霜降後乃消初起有形如蠖蝮人遇之急伏地合口可免聞其氣香如糯飯卽罹其毒大抵因七情六慾勞苦饑寒本體原虛故邪氣易入

初輯郡志

廣南府誌卷之一

山川 關梁 堰閘附

廣南幅幘遼濶周遭二千餘里層巒疊嶂滙派
淪波好遊者不能窮其勝久居者不能舉其名
然扶輿磅礴之氣鍾靈毓秀賢哲挺生山輝川
媚顧可忽歟况外控交趾防邊據險尤宜講求
於平日今逢

國家道隆化洽懷柔遠及疆索以外恪恭臣職山

廣南府誌

卷一 山川

十六

伏莽河不竭流与土者得以登高舒嘯臨流

詩何功何德享太平之福若尙弗爲民究心於

關梁堰閘其自負也實甚因附書以關梁堰閘

誌山川

者鷓山 在城東二百六十五里土富州之東七

十里高聳二百餘仞怪石嵯岬上有苗

寨

西寧山 在土富州東一百五十里下多崖

玉泉山 在土富州西北七十里頂有飛泉如線
下有石池甚清碧流入西洋江

蓮花山 在城東南二十里五峰並出諸小山峰
旁峙形如蓮花

花架山 在城東南八十里

祛丕山 在花架山之東南形如石獅土人結屋
耕種於上又名獅頭寨

牌頭山 在城西北五里峰巒起伏其右小山

廣南府誌

卷一 山川

十七

峙土人築寨其上

靈雨山 在城東十五里石崖蒼翠綿亘盤礴下
卽豐年洞嘉慶丙子四月亢旱日久郡
守何祈雨於此隨見出雲降雨優渥霑
足山因得名

速部山

板郎山

木王山 三山相連俱在城西北層崖峭壁各山

一泉爲西洋江之源

科巖

在城北七十里相傳宋狄青征儂智高至此

麻卯山

南江溪之源

僻令山

南江溪之源

豐年洞

說見靈雨山下

虎阜

在城西今教場 八景之一

翠嶺

在皈朝土富州署在嶺下 八景之一

廣南府誌

卷一 山川

十八

西洋江

在城南九十里源出板郎速部木王

山合流入廣西達粵之右江

盤江

在城北經廣西州羅平州流入境內而

歸於粵西

楠木溪

在城東土富州之東三十里源出花架

山其水常溫

南江溪

在城西一名南江溪源出麻卯僻令二

山流至土富州南合楠木溪東行至石

洞伏流十五里復出於右江

龍湫

在那郎寨城西二十五里祈雨甚靈

八

者馬

冷水溝

亦名龍湫非那郎地遇旱祈雨甚靈

楠溪

在剝隘東流出百色

八景之一

響水泉

在響水汛

八景之一

博瀨

在剝隘下五里水清淺可愛

八景之

廣南府誌

卷一 山川

十九

關梁附

寶月關

在府城東南五十里關三重連山峭壁

石磴嵯峨爲兩粵衝途第一重尤爲險

峻郡城扼要之區也昔儂氏設關於其

上關有公署今俱廢特置瞭樓三間盼

望遠近以防奸宄云

志畧

西安橋

在城西三里舊本架木以渡明時土舍

儂應祖易以石

志畧

廣南府誌

卷一 山川

二十

通津橋

在城西四里明時建

舊莫橋

在府城西南康熙四十七年知府茹傑

鳳建

樂安橋

在西洋江昔設渡船但水漲之時洶湧

澎湃往來維艱乾隆十九年知府蔣衡

捐修石橋

以上見志畧

普廳橋

在普廳先有竹橋嘉慶二十二年郡守

何勸捐修造民情踴躍捐銀壹千兩有

餘因改建石橋爲一勞永逸之計
堰閘附

府城堰塘在城內西北隅時蓄水以備緩急引流
以資灌溉其利甚溥

城南石閘府治四周無泉惟城南有八達小河冬
春不雨則涸食水涓滴維艱採石建閘
以時蓄洩萬家生齒於是乎無竭渴之
患矣

廣南府誌卷之一

建置 沿革附

廣郡徼外荒服元明雖置吏領之猶然羈縻自
改土設流以來生養教育百八十年雕題鑿齒
易而衣冠禮樂居然與侯甸采衛遙作

神京屏翰壯

國勢而固金湯猗歟休哉何其盛也撫今昔之時
勢各有攸殊詎沿革之由來漫無可考因附

廣南府誌

卷一

建置

二十二

沿革誌建置

總部

郡

州縣

唐虞 徼外荒服地

夏商

周

戰國

秦

漢 交阯 羈縻州

後漢 交阯羈縻州六朝同

三國漢

晉

宋

齊

梁

陳

隋

廣南府誌

卷一

建置

二十三

唐 隸安南都護府

五代

宋 初隸邕州後為特磨道 安寧州 富州

元 雲南行中書省廣南西路羅佐州上林州

來安路 路城州

明 雲南布政司 廣南土府 土富州

本朝雲南布政司 廣南府 寶寧縣

土同知 土富州

土富州

元至元明仍爲
中置富州

本朝因之隸廣南府

廣南府誌

卷一

建置

二十四

沿革附

唐虞三代以迄秦漢無史可考

宋爲特磨道

元設廣南宣撫司

明改宣撫司爲府

正統四年七月廣南維摩師宗諸夷作亂沐昂平之

萬曆五年廣南儂人叛沐昌祚討定之

廣南府誌

卷一

建置

二十五

本朝順治十六年七省經畧洪承疇率師定雲

仍設廣南爲府

乾隆二年添設附郭寶寧縣知縣

三十五年議改府爲直隸廳並將寶寧縣及典

史裁汰設照磨三十六年奉

旨復設府縣

唐西源蠻居廣容之南豈桂之西有甯氏者相承爲豪又有黃氏居黃橙洞其隸也其地西接南

詔後黃氏強農氏與之唇齒爲寇害太和中經
畧使董昌齡討平洞穴夷其種類諸蠻畏服後
儂洞復強結南詔爲助懿宗與南詔約和二洞
搆敗之邕管節度使辛讜以從事徐雲虔使南
詔結和齎美貨啖二洞首領太州刺史黃伯蘊
屯洞首領儂金意員州首領儂金勒等與之通
驩員州又有首領儂金澄儂仲武與金勒襲
洞首領黃伯善伯善伏兵灑水雞鳴候其半

廣南府誌

卷一 建置

二十六

擊殺金澄仲武唯金勒遁免後欲興兵報讎

讜遣人持牛酒音樂解和並遺其母衣服母
者也讓其子曰節度使持物與獠母非結好也
以汝爲吾子前日兵敗灑水土卒畧盡不自悔
復欲動衆兵忿者必敗吾將囚爲官老婢矣金
勒感悟爲罷兵

截錄唐書

宋皇祐四年廣源州蠻儂智高反智高蠻商之子
其母阿儂左江武勒之族轉至交阯適黨猶州

知州儂全福無子全福爲交趾所虜阿儂改適蠻商生智高長遂殺其父阿儂又爲特磨道儂夏卿之妻智高聚兵入寇初陷邕州遂僭稱南天國號仁惠皇帝稱其母阿儂爲皇太后建元啓歷阿儂凶悍而有謀嗜小兒肉間以具庖食智高用其計遂自邕攻橫貴襲封籐梧端康州所至驅劫軍民衆至數萬乃進圍廣州朝廷以孫沔余靖爲安撫使久未奏功仁宗以南方

憂狄青慨然請行且言臣起行伍非戰伐無報國願得蕃落騎兵數百益以禁卒當羈賊至闕下仁宗壯其言遂除宣徽南院使宣撫荆湖南北經制廣南盜賊事青至合沔靖之兵自桂林次賓州召廣西鈐轄陳曉按其遇賊不戰之罪並殿直袁用等三十一人悉誅之軍士震恐遂下令止具十日糧明日絕崑崙關出歸仁舖先布陳成列而賊以覘者之誤來獨後遂失

險乃悉衆逆戰前鋒孫節戰死山下而賊勢方
銳青躬執白旗麾騎兵出其不意賊衆大潰斬
首二千二百級獲僞官五十七人智高衣縱火
焚城而遁詰朝青入按城中獲金帛鉅萬牛馬
數千築京觀城之北隅招復俘脅者七千二百
使還其家初所獲有衣績金龍者衆謂爲智高
青曰安知其非詐邪吾寧失智高朝廷不可誣
也智高旣遁奔大理國其母阿儂潛歸特磨

依其夫儂夏卿收殘衆得三千餘人復將入
有石鑑者世居邕州諜知其動息遣峒丁入
磨道掩襲擒阿儂及智高一弟二子並檻送京
師阿儂年六十朝廷始欲存之以俟智高之降
及智高已爲大理國所殺故悉封戮都市 宋史
廣南宋時名特磨道士酋儂姓智高之裔也元
至元間立廣南西道宣撫司初領路城等五州
後惟領安寧富二州洪武十七年歸附改廣南

府以土官儂郎金爲同知十八年郎金來朝賜錦綺鈔錠二十八年都指揮同知王俊奉命率雲南後衛官軍至廣南築城建衛郎金交貞佑不自安結衆據山寨拒守俊遣人招之不服時伏草莽中劫掠覘官軍進退俊乃遣指揮歐慶等分兵攻各寨自將取貞佑又以兵扼間道絕其救援諸寨悉破衆潰貞佑窮促就擒械送京師降郎金爲府通判永樂六年富州土知州

絃經入貢值仁孝皇后喪絃經奉香幣致祭

德元年土官儂郎舉來朝貢馬正統六年廣
賊阿羅阿思等劫掠命總兵官沐昂等招撫之
時富州土官沈政與郎舉互訐糾衆侵地帝命
昂等勘處七年昂奏二人叛逆無實迹因有隙
相妄奏兵部請治政等罪帝以蠻人宥之政舉
相讐殺已十餘年時方征麓川憚兵威不敢動
未幾郎舉以從征功陞同知死無嗣四門舍目

共推儂文舉署事屢立戰功萬厯七年實授同知子應祖從征三鄉親獲賊首詔賞銀百兩播州之役徵其兵三千討尋甸叛目皆有功賜四品服儂氏自文舉藉四門舍目推擁之力得授職後儂氏襲替必因之土官之政出於四門租稅僅取十之一道險多瘴知府不至其地印以臨安指揮一人署指揮出印封一室入取必有瘟癘死亡萬厯末知府廖鉉者避瘴臨安以

付同知儂仕英子添壽添壽死家奴竊印并厯司印以逃旣而歸印於其族叔儂仕祥時英親弟仕懈例得襲索仕祥印仕祥不與遂獻地與泗城土官岑接與連婚構兵滅仕懈家及子琳以府印送接而經歷司印又爲琳弟瓊所
有巡撫王懋中調兵往問瓊懼還印於通判周憲接亦出府印獻於官時兵方調至境遽遣歸廷議治鉉擅離與守巡失撫之罪瓊接已輸服

勿問詔可未幾儂紹湯兄弟爭襲各糾交陞兵
衆焚掠一空 明史

廣源州者本邕州羈縻天聖七年首領儂存福
歸附補存福邕州衛職轉運使章頻罷遣之不
受其地存福乃與其子智高東掠籠州有之七
源存福因其亂殺其兄率土人劉川以七源州
歸存福慶厯八年智高自領廣源州漸吞滅右
江田州一路蠻峒皇祐元年邕州人殿中丞

協奏乞招收智高不報廣源州孤立無所歸
陞覘其隙襲取存福以歸智高據州不肯下
欲圖交陞不克爲交人所攻智高出奔右江文
村具金函表投邕州乞歸朝廷邕州陳洪拒不
納明年智高與其酋盧豹黎貌黃仲卿廖通等
拔橫山寨入寇陷邕州入二廣及智高敗走盧
豹等取其餘衆歸劉紀下廣河至熙寧二年豹
等歸順未幾復叛從紀至大軍南征郭帥遣別

將燕達下廣源乃始得紀以廣源爲順州沈存中夢溪筆談

廣南府宋時名特磨道儂智高之裔居此元立

廣南宣撫司明爲廣南府領土富州潛確居類書

通志廣南古徼外地宋儂智高裔據之爲特磨道是據狄武襄討平之後言之唐書西源蠻居廣容之南邕桂之西每與南詔迭爲強弱而儂金勒儂金澄儂仲武皆爲員州首領唐地理

廣南府誌

卷一

建置

三十二

員州隸邕州都督府西源州隸安南都護府

羈縻州按邕州卽今廣西南寧府南寧安南寧

與廣南地界毗聯去南詔遠甚又唐書宰相傳

有姜公輔日南人爲唐名宰相是安南在唐宋

實入中國西源旣隸安南則非南詔蒙段竊據

之地明白無疑宋太祖以玉斧劃河爲界亦止

棄南詔地邕管安南依然版輿故廣源州蠻儂

智高反卽命狄武襄討之若鄭趙楊段據南詔

僭亂盜竊終宋之世固未嘗興問罪之師也愚
故謂廣南在唐隸安南在宋隸邕州第以叛服
靡常州名屢移故後人未暇深考耳至元奄有
天下始設廣南宣撫司隸雲南明代因之
國朝亦因之前此固非雲南地也夢溪筆談載廣
源州者本邕州羈縻沈存中宋人以宋人記宋
地自當確鑿愚因採輯諸記載以俟後之博物
多聞者攷証焉愚識

廣南府誌卷之一

疆域 形勢附

郡屬省之迤東內接粵西外控交趾蠻獠錯居
號稱夷疆要地矧巨壑崇崖伏戎易起深林峻
坂走險堪虞須嚴內外之防致謹鎖鑰之寄書
曰申畫郊圻慎固封守任茲土者所宜加意焉
誌疆域

府在省之東南

廣南府誌

卷一

疆域

三十四

東至北賴塘交廣西陽萬土分州屬邏村界
百一十里

西至界牌卡交文山縣阿雞界二百里

南至笈龍卡交交趾董奔村界二百九十里

北至者洪汎交粵西陽萬州同古障界一百九
十里

東南至蔴莞交粵西鎮安府坡厚塘界二百九
十里

東北至命帖汎交粵西西林縣八柴界九十里
西南至革鮮卡交文山縣六詔界二百五十里
西北至新塘交印北屬阿得卡界二百八十五
里

由府至省一千五十里府東三百一十里爲土富
州

土富州 隸府轄

東至廣西陽萬州判那訖卡一百里

廣南府誌

卷一

疆域

三五

西至普廳站一百三十里 沙斗界

南至廣西小鎮安廳魁那界一百二十里

北至普仍寨一百二十里 廣西西林縣界

東南至廣西小鎮安廳魁那界一百一十里

東北至百賴塘廣西土田州邏村界一百六十

里

西南至廣西小鎮安未村界三十里

西北至廣西西林縣瓦村界一百二十里

寶寧縣附廓四至同府

形勢附

崇崖巨壑峻坂深林南限以西洋之水北表以牌頭之山一夫當關千人莫入舊通志

兩粵衝途交夷要障南木伏流遠滙右江之水者鶴高峙遙連古器之墟旅途之斥堠當巖蠻獠之出沒宜備舊通志

通志云東抵粵西南臨交阯西通阿迷北走

廣南府誌

卷一 疆域

三十六

勒地當水陸之衝川原最爲險固

明初交阯搆兵叛服不常蓋其溪洞阻深叢莽窳奧加以火制燥烈出沒之途多匿藏之計便也故安可以徼外一隅忽之欲定民志須守扼塞其間大箐崇山哈呀嶮嶭殆不可一二數姑舉其要言之志畧

東由阿用至母竜坦而捷若由革魯路稍紆廻一母的至那佐一昔掌由壩褒至 佐一革魯

至那腊或循田隘或出小箐皆九獠之民雜居焉

東南寶月西洋普廳皈朝至剝隘雖難方軌猶堪駢騎從此歷白色出田州實爲五管上游順流而下三四程卽抵南寧此郡之舟車輻輳延袤千里明初經畧交陟宿師數萬於此其勢便也

木冷山在南之東郡重阻也附近木京母浪

廣南府誌

卷一

疆域

三七

婁母染諸地叢山峻谷箐莽交密騎難深入

梅阿莫八播八勞皆有旁徑正路自普廳南經里貢走郎喊與木冷僅隔一山

木京由箐二十里亦至郎喊有者玉山城峭壁天設山有泉前後止二路登陟者賴在其南不五亭卽交陟安竜山界亦阨要之所也由者賴出鎮安土州其地寬平多膏腴

南董果歷董佈渡河開化界

一自董報阿章普梅至董崩三百里入交隘又
二百里抵保樂州

西南克林阿記得至拖白泥界計二百里經阿
鷄自江那抵開化郡城一自昔板九克者腊會
江那較捷自昔板壩皓鬼馬六詔抵開化郡一
自普梅登馬邦山下馬邦寨過河爲交陟董奔
村一自普梅分路至母色入開化與府比鄰
唇齒兩界之中種彛龐雜雖均領交陟上

則咽喉而此居肘腋奇正之分不可不察

西之南彌勒灣乃入會城衝路灣東西八十
稍坦夷自灣入邱北至廣西州界外樹皮架哈
諸寨蠻獠雜處一自維摩取道廣西州治直走
會城僅七百里盤江與巴盤皆由府境入羅平
不可舟其境東鄰水下三鄉西逼龜山巢窠亦
蠻獠雜居而沙人獷悍尤頑鈍所屬維摩州自
康熙八年併入廣南小維摩山在廢州東八寸

里高不下千仞迤南惟大維摩山高出衆山之
外今皆在府西境廢州有箐口甚險隘

西北自者兔欄馬至師宗縣七百里零一馬別
者別至蚌克寨俱歷重山邃谷一蚌凹過花紅
者別一蚌古分路歷安馬者遮至八林地皆密
箐崇岡壤連西粵

北之西由壩弄經大箐延三十里表半之相連
那竜卡撒三界一那竜上坡有箐中有河歷

江普便出土黃達西林白色

北至古障竜喜界計二百里零無險一由底

至土黃路坦直一自革鮮者歪分路至小八達

過河由羅里至土黃爲西隆南陞羅里以上平

坦以下循山脊走宋勒至土黃險紆瘴毒殊甚

一自河科土黃壩皓小道至安籠一里蒙寨後

入大箐直通蚌古又自里蒙至花架箐濶二十

五里自蚌古至革別箐濶四十里箐中有者落

賴比八戛蒙天四寨又有河自蚌古發源出花架深藪沃澤鳥獸巢穴固其所也

北之東自革鮮者歪者孟果索那里至西林之弄密普達路坦捷一革鮮至渭丹走弄忙兩岸高山路出谷中較捷而險一革鮮壩扁革東至命帖革鮮以上平坦以下綺而紆一那八母占至命帖去打戛十里猶坦自此進母占等密

入

東之北由董播弄董至命帖坦捷爲西林

那佐諸路之總達一那董弄俄出弄忙革鮮

上坦以下仄一自弄董至木頂弄董以上坦以

下仄此途亦通晒利甚直捷一自者領至弄汪

路坦一弄董亦直通廣西省界 樞機轉環最

宜詳辨此特形勢之大畧云爾若境之四正四

維旁通諸徑皆有里至分見郵旅至於畫野分

疆形格勢禁或濬川澮或資畜植或陶冶工賈

自然之利有不俟旁求而裕如者是在治人非
書策所能悉載 以上皆志畧

按初輯郡志形勢一則縷晰條分備覺詳明今取
全部圖細爲考核其大畧殊無異致第閱今數十
餘載柞械以拔行道以兌雞犬桑麻烟戶漸增有
非曩日所可比者而村寨名號與昔亦不無稍易
乃仍錄存初輯原本以見前人苦心 單光國識

廣南府誌卷之一

城池 公署 倉庫附

設險守國王公所重石城湯池自古已然廣南地居邊徼獠蠻雜居既經設官置吏自宜築城濬池非徒防禦邊牆已也因墉作堞引水成渠不綦重耶有城池必有公署有公署必有倉庫亦得次第脩舉矣因附書以公署倉庫誌城池

廣南府城在平關坡上 寶寧縣附郭

廣南府誌

卷一 城池

四十二

舊有城久廢明洪武十九年建排柵周四里南設二門

本朝雍正十年巡撫張允隨委員估勘建築磚城周四里四分七釐六毫七絲計八百零五丈八尺高一丈六尺八寸設東西南北四門各設城樓另設小南門便民取水出入城依山無池

土富州 係土州無城

舊治普廳後移駐版朝

本朝雍正十年巡撫張允隨委員估勘建城不果

城池說

府治四周山勢開厰具有川原之象然岡坡綿延平壤無多近治諸山布列形類蓮花故曰蓮城志畧

公署附

府署 在城中十字街

本朝順治十六年新建今大堂寢樓仍舊其影壁後堂諸處皆康熙四十四年改造三堂四堂後皆傾圮嘉慶二十一年知府何愚捐廉重建
經歷司署原在府署前後改建在府治南乾隆三十六年移駐普廳塘

教授訓導署在府治東南乾隆四十八年建

廣南府誌

卷一 城池

四十四

舊治照磨所在府署內驛二一在府城一在爲今俱裁廢

寶寧縣署在府治東南乾隆二年新建

典史署在府治東南乾隆三年新建

武職

廣南營叅將衙門在府治西北

中軍守備衙門在府治西南

土司附

土河知衙門在府治北

土知州衙門駐劄富州
即版朝

倉庫
附

府無倉廩

寶寧縣

廣儲倉
三間

廣豐倉
三間

新裕倉

廣南府誌

卷一 城池

四十五

廣貯倉
三間

豐盛倉
三間

常平倉
三間

常盈倉
三間

恆濟倉
三間

社倉
三間

倉廳一座

常平倉
三間

三品倉 三間

彌勒灣

乾隆十一年知縣

際運倉 三間

知縣馬珩聲捐建

劉汝巽捐建

順寶倉 三間

知縣馬珩聲捐建

常裕倉 三間

常盛倉 三間

豐裕倉 三間

知縣馬珩聲捐建

土富州

裕字倉一座 七間

廣南府誌 卷一 城池

四十六

仁字倉一座 五間

義字倉一座 五間

禮字倉一座 五間

智字倉一座 三間

府庫 在大堂右首

縣庫

司 榜李維



廣南府誌卷之二

學校 書院 義學 經籍附



廣南在元明雖入版圖未設學校猶結繩刻木之陋也我

朝文教覃敷無遠弗屆立黌宮設師儒增廣生員一時大吏宣布

聖化頒經籍以資誦讀立義學以養童蒙故今日家置詩書俗知禮義人文之盛濟濟恂恂媲美大

廣南府誌

卷二

學校

一

邦矣生斯土者安可不爭自濯磨交相勉勵以副

國家儲才之意耶誌學校

康熙四十六年知府茹儀鳳詳請開學設教授一員復設訓導一員

康熙四十七年督學院魏 歲試照中學例取

進文章十五名武童十五名設額廩三十缺額增三十缺三年出歲貢二人選拔之年選拔二

人志畧

廟制

康熙四十八年知府茹儀鳳建

正殿三楹 在府治南關內

雍正四年知府潘允敏建

大成門三間東西廡各三間鄉賢名宦祠各三間

雍正五年署事王婉建

崇聖祠三間左建明倫堂五間

廣南府誌 卷二 學校

二

乾隆六年知府陳克復倡捐重修

正殿請項建櫺星門三間左右門坊各一座忠孝

節義祠各三間又拓地於明倫堂前建

文昌閣三間

魁星閣三間圍牆照壁悉備

書院 附

蓮峰書院乾隆五十九年建在明倫堂後

培風書院道光元年建在文昌宮左首

書院經費

書院置買田房及生息共本銀伍千壹百餘兩
內除置買田房產業生息外餘銀壹千陸百捌
拾兩均借給各紳士生息每歲收田穀若干房
租銀若干生息銀若干設立書院管事四人僅
收支用每屆年終造冊二本送本府核算冊一
本存府署一本發管事留作交代時查核
舊置舖房數

廣南府誌

卷二 學校

三

買獲唐裕豐房一連五間耳房一間價銀叁百
伍拾兩

當獲楊仁培西街舖房一間二進價銀壹百捌
拾兩

當獲陳師亮南街舖面一間價銀叁拾伍兩
舊存義館房一排三間二進

新置舖房數

買獲黃榜選南城外舖房一間二進價銀壹百

肆拾伍兩

莫獲董占元南街房屋一間價銀伍拾陸兩

莫獲鄧義標南街舖房一間價銀伍拾兩

當獲李徐氏北街舖房一間價銀肆拾兩

當獲劉正榮西街房屋一間價銀叁拾兩

當獲許代意舖房一間三進價銀壹百伍拾兩

當獲胡運灼舖房一間價銀捌拾兩

當獲楊志善西街房屋一間價銀叁拾兩

廣南府誌

卷二 學校

四

當獲南街李廷珍舖房一排二間二進價銀貳百伍拾兩

當獲曾占魁南街舖房一間二進價銀壹百貳拾兩

朱椿充入十字街舖房一間又舖外溝面一條價銀壹千兩

李世英充入北街舖面一間價銀壹百兩 改建
朱椿充入之房後進

廖隆成充入南門外住房一間價銀壹百兩
舊置田畝數

買獲何永清西門糧田二里半大小一十八坵
坐落地名那弄價銀伍拾捌兩

買獲楊樸菴西門糧田半里大小一十二坵坐
落地名那庠價銀貳拾兩

買獲周國璨西門糧田二里大小三十七坵坐
落地名那中價銀壹百貳拾兩

買獲張文龍苗里寨後山腳之田二處上處地
名阿聊大小一十一坵下一處地名鬼蚌大

五坵價銀伍拾兩

當獲張文舉那糯寨後魁色田一冲大小二十
五坵價銀陸拾兩

當獲那糯寨博湯私田一分大小三坵坐落地
名漢達科貴錢貳拾捌千文

當獲農履順田一十三坵坐落地名倫藍價銀

捌拾玖兩

陳順藩以當獲陸澤海那官糧田大小一十五
坵原當四十五千文作抵欠項租銀

新置田畝數

唐友信充入者馬寨糧田五里大小六十二坵
四至立有碑石

里月寨姝蕊充入田畝共五十七坵合銀壹百
貳拾肆兩壹錢

廣南府誌

卷二

學校

六

壩撤寨陸博壩充入所當龍陞田三了大小二
坵秧田七坵價銀壹百兩

江盆寨庄田一長冲所有山場乾地樹木四至
立有界石價銀壹百陸拾兩

舊莫寨田大小二十九坵

廣南紳士公議書院條規

一書院山長向由府縣兩土司公捐銀兩以作
束脩紳士自不應預議在歷任公祖延請不過

情面薦託山長到館亦不過因循了事故百餘
年來科目寥寥自嘉慶壬申歲 不園公祖蒞
任必擇素悉品學兼優勤於教誨且非科甲出
身者不得延請在 公祖雖拂憲意而不惜在
學校實受栽培於無量應請嗣後仍照 何公
祖章程辦理

一培風書院每年收房屋舖面租銀奉 何公
祖議定只准租給人民不准租給紳士以書院

皆紳士管事與通城紳士非親卽友拖欠租銀
彼此瞻徇情面難以收取則將來書院事體必
爲此等不肖敗壞 公祖守此十餘年深悉地
方情形嗣後自應遵照辦理如有借詞混議變
更者皆懷不肖之心無賴之想吾郡小人也
一培風書院實蒙 不園公祖一片心血置田
地房屋價值五千餘金每年收息五百餘兩定
山長束脩歲二百四十兩生童膏火三十分每

分月錢六百文皆前此所未有每屆鄉試之年給生員膏火二十分鼓勵赴科如閒歲則生童各十五分嗣後請照此辦理

一書院山長固應延請舉人進士從前廣南無人是以聘請外府紳士茲數年來科目迭興在籍孝廉不少嗣後採訪公論卽延本地科甲主講庶可長年駐館不至半途而廢卽本地孝亦籍資館穀不無小補倘此後公祖父母官礙

於情面不得不另請從前原有官捐束脩延請山長之例請不必動支書院生息

一書院山長旣議定延請本地科甲出身之人若有品望不孚衆論者不得延請亦不得將束脩分請兩人徒爲牟利起見貽笑士林

以上數條皆瑋等稟商不園公祖議定諭令

纂入郡誌廣南府紳士公記

書院舊建於學宮內至乾隆五十九年前守傅

公應奎始建明倫堂後設書院額曰蓮峰第舍
宇無多又極散漫來學者衆假館良難嘉慶二
十五年因建

文昌宮於府治東北郡人捐貲踴躍有餘財又有
餘地太守何公因議附建書院道光元年冬落成
顏曰培風書院堂楹聯額碑記皆公手撰並
與合郡紳士酌定條規以垂永久紳士懷思恩
澤於二門題曰不圓書屋識不忘也

雷萬欽記

會試卷金條款

嘉慶庚午癸酉歲科兩試廩生等議將認保童
生畫押錢捐集以作鄉會試等卷金程儀之費
道光四年貢生嚴誠捐入銀壹百兩共置產房
併生息銀合銀柒百捌拾柒兩每科派管事二
人輪管終事具冊記名呈送府署蓋印留交下
首以便考查併附列鄉會試等送給銀兩章程
以期行之永久

房產生息數

當獲西街徐應若舖面一間四進價銀壹百貳

拾伍兩 每年納租銀拾貳兩

當獲南街王華廷舖面二間 一間價銀陸拾兩
每年納租錢捌千

肆百文一間價銀捌拾伍
兩每年納租銀拾貳兩

當獲東街楊應爵舖面二間 一間價銀捌拾柒
兩每年納租銀捌

兩一間價銀捌拾兩
每年納租銀玖兩

當獲南街陸景生舖面一間價銀伍拾兩 每年納租

銀捌兩

當獲南街莫登雲舖面一間價銀陸拾兩每年納租

銀捌兩

當獲西門外何芹採魚塘價銀肆拾兩每年納租錢伍

文千

外餘銀貳百兩交給管事聽從放與妥實之人

生息

酌定章程

廣南府誌

卷二

學校

十一

一每年鄉試卷全每名送銀貳兩俟積蓄稍多再為增補

一新中式舉人會試程儀每名送銀伍拾兩其

本科不能會試者下科照伍拾兩之例送給

一陳科會試舉人程儀每名送銀拾兩有原住京者照

例送給

一會試中式進士幫費每名送銀貳拾兩

一殿試入選庶常及分部用者每名送銀叁拾

兩

一拔貢進京 朝考程儀每名送銀貳拾兩不進京者不送

一恩優副歲貢有志進京者每名送銀貳拾兩不進京者不送

一武闈鄉試卷金每名送銀壹兩

武舉會試程儀每名送銀拾兩下次會試無

一舊例因此項卷金原係庚午癸酉兩年廩生畫押錢捐積故曾有捐積之廩生或出貢或

廣南府誌 卷二 學校 十二

中副榜即不送京均送銀拾兩自今除曾有捐積畫押錢人等日後或出貢或中副榜照例送給外即將此例停止其已經出貢時送給過者後即中副榜亦不再送其進京者仍照前例送銀貳拾兩

一除庚午癸酉捐積畫押錢之廩生出貢中副榜照例送給外有補廩在前而畫押時未經捐積雖後復有功德只於鄉會試

殿試及恩拔副歲優貢進京照例送給其不進京而出貢或中副榜亦不送給

一此項卷金既眾捐功德則日後凡有志上進者自應件件照例送給以昭畫一不得挾私捐勒不送

道光四年閩郡捐積銀叁百兩以作赴科馬脚之費現在酌議置產生息
一每逢

廣南府誌

卷二

學校

帝君 魁神 聖誕使費銀柒兩

義學

本城義學一所

書舍三間每年給束脩銀拾玖兩貳錢外收王姓舖租銀肆兩

彌勒灣義學一所

書舍三間每年給束脩銀拾貳兩

普廳義學一所

書舍三間每年給束脩銀拾貳兩

皈朝義學一所

書舍三間每年給束脩銀拾貳兩

莫兩竜義學一所

書舍三間每年給束脩銀拾貳兩

里跛義學一所

書舍三間每年給束脩銀拾貳兩

八播義學一所 書舍三間每年給束脩銀拾貳兩

者鍾義學一所 書舍三間每年給束脩銀拾貳兩

剝隘義學一所 書舍三間每年給束脩銀拾貳兩

各義學歲收租穀米銀備列於左

雍正十三年

雲南布政使司陳 捐銀貳百兩又於八達案

內無人承領之米折銀叁拾玖兩貳錢

一買獲土同知倭振裔糧田一段坐落浪馬除

廣南府誌 卷二 學校

十四

讓價外實給銀壹百玖拾玖兩貳錢每年實

收京斗租穀壹百貳拾貳石折米陸拾壹石

每年折銀陸拾壹兩解府支銷秋糧公件佃

戶自納

一買獲土同知沈燦糧田一分坐落六羅除讓

價外實得價銀伍拾兩每年實收京斗租穀

玖拾石折京斗米肆拾伍石折銀肆拾伍兩

解府支銷秋糧公件佃戶自納

以上二項現有買契存府署卷

一生員王洪照與王雲龍互爭普廳田一段詳請撥入義學每年實收京斗租穀拾貳石折京斗米陸石秋糧公件佃戶自納

一客民王姓府署瓦房一所捐入義學每年收租吹銀肆兩捌錢

此項府城義學課讀收銀肆兩餘八錢以作歲修

一剝隘銅店一所前後共十間詳請歸入義學每年收租吹銀叁拾貳兩

內除銀肆兩幫補修理

廣南府誌

卷二 學校

十五

以上各處租穀租銀每年共收獲京斗米壹百壹拾貳石租銀叁拾貳兩按年發給各義學館師府署經管取領附卷

愚聞雲南義學始於吾鄉陳文恭公任滇藩時捐廉倡辦公每日接見屬吏袖義學冊一本詳晰面詢視其奉行如何或蒙獎許或受面飭是以屬吏莫不實力舉行故今獬子棘丁多有識字知禮者公元孫繼昌爲庚辰科三元豈非功

德之報歟予初抵滇權昆陽州篆詢訪醇謹生員延爲各義學館師先是學使檄行以一二等生員挨次充義學教讀以示獎勵優取者不得預上訴批行查覆予復曰學政憑一日之文考取優等原難保其品行何如義館先生訓課蒙童文藝猶後先須品端行方者俾得效法至於考列優等自有旌獎超增補廩皆是也先賢設立義學非爲學政獎優等之資也應由地方官

延請始於村童有益學使乃默然予在滇二十一年凡書院山長必素悉其品學兼優者而後敦請否雖大吏薦囑弗顧也義學則擇學中端謹寒士肯終歲駐館者延之課讀不獨村童有益卽寒畯亦得小補余不解今之以門外漢充山長或足不履館而虛支脩脯者何謂也得毋有

愧於陳文恭公耶

何愚識

聖諭廣訓 四本

上諭一部 計二本

御纂周易折中一部 計一套

春秋傳說彙纂一部 計二套

書經傳說彙纂一部 計二套

詩經傳說彙纂一部 計二套

日講四書講義一部 計二套

鳳儀六經一部 計四套

廣南府誌 卷二 學校

十七

朱子全書一部 計四套

性理精義一部 計一套

古文淵鑑一部 計四本

大學衍義輯要補一部 計一套

孝經註解

小學纂註

近思錄集解

四禮初稿 二本

四禮翼 一本

文廟陳設禮樂祭器圖 一本

學政全書 一本

文武官相見儀注 一本

斯文精粹 一部 計一套

日知薈說 一部

鄉飲酒禮 一本

駁呂留良四書 一部

廣南府誌

卷二 學校

十八

呂子節錄 一部

明史 一部

通鑑 一部

綱鑑正史約 一部

以上書籍存學署

拔貢生雷萬欽校刊

廣南府誌卷之二

風俗 種人附

邊氓種類不一衣服食用亦各異面目顛醜言語啁啾土地使之然也然椎魯無知見官長如失魂魄訓以道理亦似心領神會第足跡罕入城府目不識字遇告誡明文不能句讀而日萃處於游民無賴之中聽其煽惑往往爲蚊蚋蟻蟲之聚迫呼喝解散茫然不知何所見而來也

廣南府誌

卷二

風俗

十九

爲治者撫綏良善驅除兇惡則邊地豈非可風之俗哉誌風俗

苗獮雜居性緩力弱病不服藥專禱鬼神喜食諸蟲刻木爲契

通志

人盡力耕不治末業山多磽确歲少豐收沙獯蠢樸無能習俗寬柔易使

通志

正月男女拋繡毬戲撲

予禁斷已十年不知後來如何耳

又豎一直木於地以一橫木鑿其中合於

直木頭上二人一左一右撲於橫木兩梢
頭爲戲此落彼起此起彼落騰於半空名
曰磨鞞

三月各寨宰牛祭龍祈年

六月初六初九二日各村寨宰牛作小年戶染
紅糯米祀神土司家亦然

七月各家祭祖自祖父以上每一祖一妣必有
肉一鴨一雞一如十位則十分二十位則

廣南府誌

卷二

風俗

二十

二十分皆有麥秧一盤約數寸長如祭外
祖母舅岳父母之類則在門外按名按戶
祭之謂外鬼不得入門也

十八日婦女爲巫者男女圍聚歡唱名曰
姪亡

桂海虞衡志曰儂智高反朝廷討平之因其疆
域參唐制分析其種落大者爲州小者爲縣又
小者爲洞凡五十餘所推其雄長者爲首領籍

其民爲壯丁以藩籬內郡障防外蠻緩急追緝
備禦制如官軍其酋皆世襲大抵人物獷悍風
俗荒怪不可盡以漢法繩之田計口給民皆青
布巾跣足今黃姓尙多而儂姓殊少蓋智高亂
後儂氏善良許從國姓故今多姓趙氏舉洞純
一姓者婚姻自若酋豪或娶數妻皆曰媚娘洞
官之家婚嫁以粗豪汰侈相高聘送禮儀皆亡
擔少亦半之婿來就親兩家各以鼓樂相迎盛

陳兵馬成婚後隨便而歸夫家親始死披髮持
瓶甕慟哭水濱擲銅錢紙錢於水汲歸浴尸
之買水否則鄰里以爲不孝

土人或遭橫死如雷擊虎傷之類則不殮不埋
將尸坐於椅上送往高山以傘笠覆之聽其消
化人不敢近男婦爲巫者死亦如是

志畧

村寨皆夷民耕織相兼男子懦而性情女健而
力勤地無雜產人鮮逐末居處架木爲樓板爲

壁緣梯而升中設火池懸釜以炊

志畧

廣南路有白黑沙人普喇普央白黑猓羅魯兀
猓羅來子普歹九種其地山磽蕪薄男青衣不
曳地女長裙跣足性緩力弱喜食諸蟲不知禮
教元史

舊俗獻歲前伐松二株徑四五寸長丈餘連枝
葉栽插門首無論官廨士民之家皆然云搖錢
樹鄙俚可笑愚守郡後紳耆言此惡俗多不便

廣南府誌

卷二

風俗

二十三

日久乾枯既虞火燭排街樹木槎枒遇吉凶事
亦掛礙且每歲取木於山村民受害無窮若一
年留數千松十年有數萬松則材木不可勝用
予聞而佩服當示禁革士民亦莫不稱美者癸
未予俸滿北上迨回任時值歲暮見有復栽插
者蓋兵役借此騷擾寨民憑愆官弁而冥頑梗
化之徒幸予去任故智復萌也城中非無醇謹
老成之士遇此等小人亦難與之別白是非亦

可慨已故正月拋毬之戲予雖禁斷猶存其俗
以不過戲無益耳至此風則論著於誌使後之
覽者知有所害而自禁焉夫官斯土者不能爲
民生材若之何縱焉而尋斧斤也愚識

種人附

昔日種類尚多
今就存者載之

獯人

儂智高遺種性狡好奢侈男女勤耕織慣挑棉
錦樓居無椅凳席地而坐脫履梯下而後登婦
人短衣長裙男首裹青花悅衣粗布如締婚姻
則以歌唱私合始通父母議財禮病不醫藥惟
知禱神喪葬亦與漢人同第山箐中尚有火葬
者

廣南府誌

卷二

風俗

二十四

沙人

習尚與獯人同而慄勁過之親死所祭之肉不
食或棄或饋諸同人

花土獠

服尚青藍婦女衣花繡短褐繫桶裙婚不親迎
送嫁者攜酒食以薦婿家祖先自正月至二月
擊銅鼓跳舞爲樂謂之過小年

按銅鼓馬援征
交阯時所遺諸

夷寶之以
誌不忘

白土獠

性狡詐重農力穡卜居近水以便耕作十月朔
爲歲首能習漢語

黑沙人

散處溪河性情狡悍素好讐殺居處不論山嶺
悉以木片蓋屋男女俱耕種亦知貿易又一種
性情暴戾貪利散居深山及近河渠之所耕種
爲業不事生理惟土富州有此

廣南府誌

卷二

風俗

二十五

白沙人

散居四鄉性情梗頑多疑每於暇日男女俱往
河內撈魚時當耕種彼此辛勤至於農隙之時
亦有貿易爲生者喪葬用火衣服尙白色惟土富州
此有

白裸羅

散處四鄉性情剛鬻凜畏法度刀耕火耨男子
耕種爲生婦人績麻爲衣平時赴城買賣價值

不敢多增其習俗好獵信鬼病不服藥

黑裸羅

賦性橫悍耕種爲業婚姻喪葬亦知稱家有無
每逢收穫勤於背負其習俗服飾之間一切與
白裸羅大畧相同 又一種性最鄙俗婚姻悉
聽男女自擇不用媒妁暇日男女多負柴薪以
供耕種之用 惟土富州有此

黑僕喇

廣南府誌

卷二

風俗

二十六

一名普腊婚喪與裸羅無異而語言更覺難通
蓬頭跣足衣不浣濯臥以牛皮覆用羊革氈衫
刀耕火種常數易其土以爲養地力焉祭則用
牛羊豕三牲名曰三樂

白僕喇

性最樸多住山坡種菽麥雜糧火蔴之類衣白
蔴布婦人以繩束髮青綠磁珠雜海貝環飾項
垂纓絡婚多苟合禮較簡

花獃喇

喪亦用棺葬不忍火且論山向自謂不似諸夷各有古禮語言亦微異

獃人

性獷悍自謂槃瓠之後自耕而食少入城市男女皆知書多處深山喜獵善搏虎豹衣服近漢女人長衫拖裙婚用媒不爭訟不喜淫所居之處不四五年卽遷

廣南府誌

卷二

風俗

二十七

獃夷

本名獃夷又稱曰白衣蓋聲以相近而譌也男女雜處不事末業惟耕種以爲生涯男服長領青衣褲女以布縫高髻加帕於其上以五色線綴之結絮爲飾短衣桶裙鑲邊用紅綠色婚以媒喪亦棺瘞其死者凡所用之器皿悉懸置諸墓側不復收若有柶捲之意焉

獃人

古白國之支流性詭俗儉又謂之民家子知讀書其婚喪葬祭與漢相近衣服食用迥與他夷不同每歲六月二十四日齎生肉合蒜而食燃炬為樂稱曰佳節

附種人方言

獯人

天發地南日烈月亥風朗雲朗雷發雨泮霜賦

霧朗雪美
目朗雪美
排美

廣南府誌

卷二 風俗

二十八

山南水南田恁園勒蚌牆耐坡肯路卡草芳

木美

祖不孫郎父博子陸兄必弟農嫂必叔不行陸

立定坐南跪及

貴邊賤拖貧樓富灑

虎弄土豹土馬地牛獨羊有豬獨鷄寨鴨貝

一溜二宋三散四細五哈六差七拓八別九荷

十謝

土獠

天窩地稜日宛駝月論風冷雲磨雷博雨難霜內

霧馬

山亂水難田儼園孫城稱牆本坡亂路祿草若

木崖

祖布孫浪父博子勒兄鮮弟鸞嫂周叔布行帕

立任坐難跪及

貴那賤賴貧呀富率

廣南府誌

卷二 風俗

二十九

虎丙介丙內馬磨牛瓦羊別豬磨鷄結鴨白

一流二宋三散四細五呵六車七疽八別九勾

十謝

獮夷

天發地頂日紊月等風竜雲法雷法雨紛霜籠

霧磨

山反水難田那園虎朗城職牆科坡拉路丹草芳

木美

祖布孫浪父必樓兄必農弟齊農嫂猴叔布行娘

立鄧媽坐難跪拜

貴丙賤波貧雅富迷

虎色乃豹色馬罵牛海羊有豬木雞蓋鴨別

一冷二算三喪四細五哈六火七哲八別九苟

十昔

夷類不一即方言亦難悉詳姑舉一二端以見其概云 以上見志畧

廣南府誌

卷二 風俗

三十

廣南本土府故風俗一卷僅就志畧所載採錄今數十年來各省無賴流民竄入其中租土官一塊地倚為生計每歲納銀數星名曰地皮錢土官貪目前些須以為窮無所歸而安集之繼欲麾之去而不得以至欺詐盜偽延蔓滋熾神奸巨蠹播弄煽惑土官土民俱受其做非復向日土府風俗矣語曰太上以寬得民其次莫如猛愚德薄才誦無能改於其俗而救時之政有

守土所能行者亦有不能徑行者惟不能行復不能退用自慰焉愚識

廣南府誌

卷二 風俗

廣南府誌卷之二

民戶 村寨附

廣南向止夷戶不過蠻獠沙獍耳今

國家承平日久直省生齒尤繁楚蜀黔粵之民攜挈妻孥風餐露宿而來視瘴鄉如樂土故稽烟戶不止較當年倍蕤教訓而約束之德威並用寬猛兼施惟在賢守令馭之有道而已誌民戶
康熙五十八年三月十八日奉

廣南府誌

卷二 民戶

三十二

恩詔此後遇編審之期俱據康熙五十年丁冊定爲常額續生人丁永不加賦乾隆九年奉行設保甲稽察匪類着五門四鄉各兵目將村寨烟戶編爲十家保甲乾隆四十年編造保甲烟戶清冊計三千五百五十五甲三萬四千九百九十七戶道光元年編造保甲四千五百餘甲然遺漏甚多且流民忽去忽來訖無定數萬山之中假手胥吏編查更難深信

村寨附

附近五門城外三十七寨設五門兵頭稽查約
東

板蘭營五十寨
革榜營二十四寨

羅里馬營十八寨
普梅營一百零四寨

小維摩營二十寨
者壩營二十九寨

蚌古營二十三寨
者兔營二十一寨

克林營二十五寨
者歪營二十七寨

廣南府誌

卷二 民戶

三十三

者黑營二十四寨
者鍾營十二寨

安排營四十四寨
羅里營十五寨

三牛營二十八寨
莫雨竜營三十六寨

董果營四十八寨
阿章營十八寨

者豹營二十二寨
沙斗營三十五寨

者王營二十寨
阿科營十三寨

八甲營五十寨
攔馬營二十三寨

彌勒灣營二十五寨
八播營二十五寨

阿用營三十四寨

阿莫營四十八寨

九克營四十九寨

壩皓營五十一寨

里跛營二十七寨

板蚌營八十八寨

西洋江營十九寨

富州

皈朝哨 阿用哨

花架哨

三亭

四亭

板崙哨

架村哨

洪邦哨

巖河

百賴

者桑夕

者寧夕

百俄夕

那晚

坡

廣南府志

卷二 民戶

三十四

剝隘夕

安定夕

烏落夕

者丙

者

坡戈夕

蜡山夕

冊儀夕

百翁

那寡

那南夕

西寧夕

坡懷夕

剝貫

百江

百部夕

沁村夕

板平夕

者郎

末混

那郎夕

里駝

普廳哨

舊設州治今廢

廣南夷民歸土同知土富州管轄土同知轄三

十二營每營設頭目一人又謂之該管亦有一

營分二人管者若調練出征則謂之先鋒頭目

之下有布斗布斗之下有伙頭皆分管夷人者
土同知向有土練七百五十名自來分給練田
以資養贍聽候征調如七百五十名之外則各
寨夷民斂價僱募每名需銀十二三兩至二十
兩不等愚曾經理臨安之役夷情徨徨無從控
訴可爲太息者矣

土富州轄九哨十八夕其設頭目布斗伙頭與
土同知同兩土官地方凡有外省徙居之人則

由寶寧縣簽派鄉約保正稽查約束滋他族以
處此不獨寶寧日不暇給亦土官異日之憂也
姑識之如此愚識

廣南府誌卷之二

田賦 徵貯 經費 課程附

中邦成賦則壤宜先廣南山多田少與中土迥不相侔設郡以來自原額夷地及新增墾復外概免丈量按畝升科萬里邊氓感

列聖浩蕩恩施子子孫孫淪肌浹髓矣誌田賦

廣南府

原額夷方田地免丈額納

廣南府誌

卷二 田賦

三十六

實徵秋糧折色參錢伍分米貳百貳拾柒

斗柒升陸合柒勺參抄捌撮捌圭

文改徵本色

以上秋糧每石編地畝銀壹錢壹分肆釐

捌絲參忽該

實徵地畝銀貳拾陸兩捌釐貳毫壹忽捌微肆

織貳塵柒渺貳漠

附徵粵西土田州撥歸額外民田肆畝玖分伍

釐照府屬夷方田地免丈額納

實徵秋糧折色參錢伍分米肆升捌合肆勺貳撮玖圭奉文改徵本色

以上秋糧每石編地畝銀壹錢壹分肆釐捌絲參忽該

實徵地畝銀伍釐伍毫貳絲壹忽玖微肆纖捌塵肆漠

戶口人丁原係夷方並無編審丁銀

廣南府誌

卷二 田賦

三十七

附額徵

實徵差發折色柴錢米壹百叁拾壹石捌斗

升捌合伍勺柒抄柒撮叁粒陸顆奉

文改徵本色

實徵粵西土田州撥歸額外差發折色柴錢米

貳升捌合捌抄柒撮伍圭伍粒玖顆

奉文改徵本色

前件俱歸土富州經管照額徵收

寶寧縣

廣南府撥歸夷方田地免丈額納

實徵秋糧折色叁錢伍分米柒百柒十石壹斗壹升柒合陸勺玖抄玖圭叁粒壹顆
捌粟奉文改徵本色

以上秋糧每石編地畝銀壹錢壹分肆釐
捌絲叁忽該

實徵地畝銀捌拾柒兩捌錢伍分柒釐叁

廣南府誌

卷二 田賦

三十八

絲陸忽伍微叁纖肆塵伍渺七

戶口人丁原係夷方並無編審丁銀

附徵額

實徵差發折色柒錢米伍百柒拾玖石叁斗肆升捌合肆勺捌抄壹撮貳圭叁粒貳顆貳粟奉文改徵本色

附徵廣南府撥歸田地錢糧

夷地三頃玖拾貳畝不分等則一例照納

實徵夏稅折色陸錢麥壹石捌斗奉文改徵本色

原額成熟夷地伍拾柒頃肆拾伍畝叁分叁釐陸毫肆絲陸忽伍微肆織叁塵柒渺伍漠不分等則一照例納該

實徵秋糧折色陸錢米肆百伍拾捌石貳斗伍升玖合陸勺叁抄捌撮捌圭奉文改徵本色

以上成熟民田地陸拾壹頃叁拾柒

分叁釐陸毫肆絲陸忽伍微肆織

塵柒渺伍漠該稅糧肆百陸拾石伍

升玖合陸勺叁抄捌撮捌圭每石編

地畝銀壹錢壹分肆釐捌絲叁忽該

實徵地畝銀伍拾貳兩肆錢捌分肆釐玖毫捌

絲叁忽柒微柒織叁塵貳渺貳漠

戶口人丁原係夷獮並不編差

稅契原無定額遇有民間投納按季彙解
徵貯附

府無倉廩

寶寧縣

一每年額徵秋差糧米壹千捌百零柒斗貳升
伍合零

一額徵條改米玖拾捌石貳斗叁升玖合零

一額徵夏稅麥折米壹石貳斗捌升伍合

廣南府誌

卷二

田賦

四十

前件米石徵貯縣倉搭放廣南營兵米

土富州

一每年額徵秋米叁百伍拾玖石捌斗貳升肆
合

一額徵條改米壹拾捌石貳斗陸合

一額徵新增邏村秋改米捌升壹抄貳勺肆圭

柒顆壹粟

前件米石徵貯州倉就近搭放富汛兵糧

經費附

知府一員從四品養廉壹千陸百兩
於司庫請領

歲該支俸銀壹百伍兩

額設門子貳名 皂隸壹拾貳名 步快壹

拾貳名 轎傘扇夫柒名 禁卒肆名

庫子貳名 斗級貳名

每名歲該工食銀陸兩共銀貳百伍拾兩
兩

教授壹員正七品

歲該支俸銀肆拾伍兩

訓導壹員從八品

歲該支俸銀肆拾兩

額設齋夫貳名 膳夫貳名 門子貳名

每名歲該工食銀陸兩共銀叁拾陸兩

喂馬草料歲該銀壹拾貳兩

分駐普廳塘經歷壹員正八品

歲該支俸銀肆拾兩

額設門子壹名 皂隸肆名 馬夫壹名

每名歲該工食銀陸兩共銀叁拾陸兩

新添民壯陸名每名歲該工食銀陸兩共銀

叁拾陸兩

額設廩生叁拾名每名年該三分之一餼糧銀

貳兩肆錢共銀柒拾貳兩

新添鞭春酒席銀叁兩

廣南府誌

卷二

田賦

四十二

以上官役俸食喂馬草料鞭春廩餼等項

歲該銀陸百捌拾叁兩內除鞭春廩餼

銀柒拾伍兩以鼓鑄局錢支給於 司

庫地丁銀內易銀報銷又官役俸食喂

馬草料銀陸百捌兩均於經徵地丁項

下支給內除存留坐放銀貳拾陸兩壹

分叁釐柒毫貳絲叁忽柒微玖纖柒渺

陸漠外如有官員空缺事故扣除解

司其有不敷起 司支領年底核實彙冊報銷

附知縣壹員正七品養廉銀壹千兩於司庫請領

歲該支俸銀肆拾伍兩

額設門子貳名 皂隸壹拾貳名 民壯壹

拾伍名 轎傘扇夫柒名 禁卒肆名

庫子貳名 斗級貳名

每名歲該工食銀陸兩共銀貳百陸拾肆

廣南府誌 卷二 田賦 四三

兩

縣典史壹員

歲該支俸銀叁拾壹兩伍錢貳分

額設門子壹名 皂隸肆名 馬夫壹名

每名歲該工食銀陸兩共銀叁拾陸兩

額設各項祭祀均派共銀陸拾兩玖錢玖分叁

釐壹毫捌絲貳忽

額設木帖者兎者鍾馬別河法白彌勒灣陸鋪

共舖兵玖名每名歲該工食銀叁兩陸錢共銀叁拾貳兩肆錢

額設孤貧捌名每名口日給銀壹分歲該銀叁兩陸錢共銀貳拾捌兩捌錢遇閏加銀貳兩肆錢

以上官役俸食喂馬草料祭舖孤貧等項歲該銀肆百柒拾兩柒錢壹分叁釐壹毫捌絲貳忽內除祭舖銀陸拾伍兩叁

錢玖分叁釐壹毫捌絲貳忽以鼓鑄局錢支給於司庫地丁銀內易銀報銷又孤貧口糧銀貳拾捌兩捌錢遇閏照加小建扣除又官役俸食銀叁百柒拾陸兩伍錢貳分均於經徵地丁項下支給內除存留坐放銀壹百壹拾壹兩伍錢肆分貳釐叁毫貳絲叁微柒渺柒塵玖漠外如有官員空缺事故扣除解

司其有不敷赴 司支領年底核實彙冊報銷 以上皆錄志畧

武職乾隆四十六年奉文各官親丁改為養廉

廣南營叅將壹員正三品 養廉伍百兩

歲支俸銀叁拾玖兩叁錢肆分 薪銀壹百

貳拾兩 例馬八匹歲該支銀壹百兩

零捌錢 蔬菜燭炭銀肆拾捌兩

紅紙張銀叁拾陸兩

廣南府誌 卷二 田賦 四十五

歲該銀捌百肆拾肆兩壹錢肆分

中軍守備壹員正五品 養廉貳百兩

歲支俸銀拾捌兩柒錢零陸釐 薪銀肆拾

捌兩 例馬肆匹銀伍拾兩肆錢 蔬

菜燭炭銀拾貳兩 心紅紙張銀拾貳

兩

歲該銀叁百肆拾壹兩壹錢零陸釐

千總貳員

每員歲支養廉壹百貳拾兩 俸銀拾肆兩

玖錢陸分肆釐 薪銀叁拾叁兩叁分

伍釐 例馬貳匹銀貳拾伍兩貳錢

每員歲該銀壹百玖拾叁兩壹錢玖分玖釐

把總四員

每員歲支養廉玖拾兩 俸銀拾貳兩肆錢

柒分 薪銀貳拾叁兩伍錢叁分

馬貳匹銀貳拾伍兩貳錢

每員歲該銀壹百伍拾壹兩貳錢

外委陸員每員歲支養廉拾捌兩

課程附

稅課 雜課
鹽法

廣郡邊徼土瘠山磽物產殊少而東南通兩廣西北達滇垣商賈輻輳百物流通徵稅課以充國家經費何可缺歟至調劑辦運粵鹽民無淡食前賢愛民無不周且厚矣因分書稅課雜課鹽法誌課程

廣南府

廣南府誌

卷一 田賦

四十七

府前稅一道

八播稅一道

普廳稅一道

版朝稅一道

剝隘稅一道

各稅口徵收商牲貨稅原額稅銀柒百叁

兩叁錢陸釐伍毫遇閏加解銀伍拾柒

兩貳錢貳分零伍毫按季彙解 司庫

但遇有客商經過照例抽收儘收儘
不得拘定原額

附額徵府屬維摩境

商稅銀壹錢叁分陸釐

土富州

歸公稅餘銀肆百肆拾捌兩捌分陸釐伍毫
遇閏加銀伍拾柒兩貳錢貳分伍毫

附額徵撥歸粵西土田州

廣南府誌

卷一 田賦

四六

商稅銀壹兩陸錢

土州照例徵銀由府彙解 司庫

雜稅

富州

商稅蔴布壹百三十段每段易銀壹錢該銀
壹拾叁兩

酒課蔴布柒拾伍段每段易銀壹錢該銀柒
兩伍錢

附額徵撥歸粵西土田州

商稅雜項蔴布伍百陸拾玖段每段易銀壹錢共銀伍拾陸兩玖錢內

蔴布貳百柒拾陸段每段易銀壹錢
該銀貳拾柒兩陸錢

門攤蔴布伍拾貳段每段易銀壹錢
該銀伍兩貳錢

額徵剝隘牙行銀壹拾捌兩

廣南府誌

卷一 田賦

四十九

以上土州照例徵銀由府彙解 司庫

寶寧縣

商稅門攤酒課蔴布共該銀叁拾捌兩壹錢
叁分陸釐

該縣照例徵銀由府彙解 司庫

鹽法

廣南府

每年額銷粵鹽伍拾伍萬觔

一在剝隘行銷鹽拾柒萬觔

一分運飯朝店行銷鹽拾玖萬觔

一分運富州店行銷鹽拾玖萬觔

一每年額運粵鹽水脚銀貳千玖百貳拾

伍兩捌錢玖分 於 司庫請領

一每年額解鹽課銀壹萬叁千玖百玖拾

兩 於 鹽憲庫納

寶寧縣

廣南府誌

卷一 田賦

五十

每年額銷粵鹽伍拾伍萬觔

一本城行銷鹽肆拾伍萬觔

一分運板蚌店行銷鹽拾萬觔

一每年額運粵鹽水脚銀柒千伍百捌拾

叁兩柒錢肆分 於 司庫請領

一每年額解鹽課銀壹萬柒千肆百伍拾

伍兩 於 鹽憲庫投納

廣南府誌卷之二

祭祀 寺觀附

朝廷隆士夫以事神治民之任犧牲俎豆釐爲定制春秋二仲禮部

題請涓吉致祭飭吏舉行誠欲承事者正直方嚴中心樂易治人以明事神以誠不爲表暴神自顧享錫以蕃祉歲豐民樂耳夫牲牷肥腍粢粢豐潔不足以昭明德薦馨香乃併此而不

廣南府誌

卷一

祭祀

五十一

心者何也誌祭祀

祀典

先農壇 在府城東門外

雍正五年奉

旨築壇壇高二尺一寸方廣二尺五寸祠三楹左右齊房各二左貯農具籍穀右爲辦祭所藉田四畝九分

部頒祭期知府同文武官屆期致祭祭畢行耕藉

禮

社稷壇 在府城南門外

壇制東西二丈五尺南北二丈五尺高三尺四
出階各三級壇下前十二丈東西南各五丈繚
以紅牆

風雲雷雨壇山川城隍壇 在府城南門外

以上二壇春秋二仲

部頒祭期府縣分詣行禮

廣南府誌

卷一 祭祀

五十二

關帝廟 在府治東南

每歲春秋二仲

部頒祭期知府同文武官致祭

厲祭

每歲清明日孟秋望日孟冬朔日祭無祀孤魂
在府城北門外郊闕致祭

名宦祠 在府學宮內

鄉賢祠 在府學宮內

忠義孝弟祠 在府學宮內

節孝祠 在明倫堂外

寺觀 附

城隍廟 在府治東

東嶽廟 在府治東

土主廟 在府治西

白馬廟 在府治東北

楊公廟 在府治西

廣南府誌

卷二 祭祀

五十三

護國寺 在府治東

真武觀 在府治西 明洪武年建

文昌閣 舊在府東南

萬壽宮 在府治北 嘉慶二十四年落成
土同知糾率夷人捐建有序

皇經觀 在府東北

魁星閣 在府東南

萬壽寺 在府東北三里

觀音閣 在府治北 今廢

龍神祠

在府城北門外
光緒九年土同知重修

火神廟

在府城南門外
光緒二年上民重修

文昌宮

舊有閣在學宮左
守何集郡人議建於府治東北後建後殿

前建魁星閣道光二年落成
培風書院右土丞衙門有序

廣南府誌

卷二

祭祀

五十四



廣南府誌卷之三

兵防

兵可百年不用不可一日不備廣南地控南交邊防尤宜亟講我

朝

聖

聖相承德威遠播外藩服化畏神愚見樂州致土

同知之土自一緘措詞十分恭順謙謹非震懾

廣南府誌

卷二

兵防

一

聲靈能如是即然兵制為有國者所不廢顧可忽諸

誌兵防

廣南營

康熙貳拾壹年設

遊擊壹員

守備壹員

千總貳員

把總肆員



額兵捌百名以上官兵聽廣羅協副將兼轄
雍正二年裁遊擊改設叅將壹員六年添設外
委千把總陸員乾隆二年添兵參百名共制兵
壹千壹百名歸開化鎮統轄兵制馬一步九
乾隆四十八年添設額外外委伍員

額設馬步戰守兵丁壹千壹百名乾隆八年裁
減馬步兵丁參拾名乾隆四十七年刪除官弁
馬步親丁陸拾名充賞兵參拾陸名公費兵

拾貳名共壹百貳拾捌名嘉慶九年內裁撤
兵拾伍名二十年內裁汰戰守兵陸拾名二十
四年內撥駐臨安防守戰守兵丁參拾柒名
實在現操外委額外外委馬步戰守兵丁捌百
參拾名內

外委千把總陸員

額外馬兵陸拾陸名

戰兵參百肆拾壹名

守兵肆百壹拾柒名

一分防九汛千把外委玖員步守兵丁肆百捌拾捌名內

富州汛

千總壹員兵丁壹百貳拾名所管壹汛貳拾捌塘

董那孟塘兵叁名 寶月關塘兵伍名

高規槽塘兵叁名 楊柳井塘兵伍名

廣南府誌

卷三

兵防

三

西洋江塘兵叁名 安興灰塘兵叁名

蜈蚣箐塘兵叁名 木郎溝塘兵叁名

羅貢塘兵伍名 過流波塘兵叁名

響水塘兵叁名 安環甲塘兵叁名

沙斗塘兵叁名 者郎塘兵叁名

安戈部塘兵叁名 普廳塘兵伍名

波淋塘兵叁名 瓦窰塘兵叁名

四亭塘兵叁名 三亭塘兵叁名

老鬼墳塘兵叁名

飯朝塘兵貳拾陸名卽富州汛

平嶺塘兵叁名

匾令塘兵叁名

岩哈塘兵叁名

洞耶塘兵叁名

戈革塘兵叁名

者桑塘兵伍名

那尾塘兵叁名

以上富州汛屬共貳拾捌塘與粵西小鎮安末

村塘上林等處接界

板蚌汛

廣南府誌

卷三

兵防

四

外委把總壹員兵丁貳拾名所管壹汛叁塘

乃安塘兵肆名

板蚌汛兵拾名

壩下水塘兵叁名

威泌水塘兵叁名

以上板蚌汛屬共叁塘與粵西西林縣接界

剝隘汛

外委把總壹員兵丁肆拾名所管壹汛肆塘

者嶺塘兵伍名

剝莪塘兵伍名

剝隘汛兵貳拾名

剝瀨水塘兵伍名

以上剝隘汛屬所管共肆塘與粵西洞柴汛上林塘周馬邏村等處接界

者洪汛

把總壹員兵丁肆拾名所管壹汛陸塘

分水嶺塘兵伍名 打戛塘兵伍名

阿科塘兵伍名 者歪塘兵伍名

八達塘兵伍名 羅里塘兵伍名

者洪汛兵拾名

以上者洪汛屬共陸塘與粵西隆林營接界

命帖汛

外委把總壹員兵丁拾貳名所管壹汛壹塘

董播塘兵伍名 命帖汛兵柒名

以上命帖汛屬壹塘與粵西上林營八柴接界

普梅汛

把總壹員兵丁玖拾名所管壹汛貳拾捌卡

威竜卡兵貳名 鐵廠卡兵貳名

維摩卡兵貳名

黑達卡兵貳名

那撒卡兵貳名

鬼馬卡兵貳名

革鮮卡兵貳名

平寨卡兵貳名

狗街卡兵貳名

猴街卡兵貳名

羊街卡兵貳名

壩舊卡兵貳名

木梳卡兵貳名

阿妹卡兵貳名

董布街卡兵貳名

板江卡兵貳名

董佈卡兵貳名

木央卡兵貳名

廣南府誌

卷三

兵防

六

達妥卡兵貳名

里黑卡兵貳名

美湯卡兵貳名

美得卡兵貳名

董昂卡兵貳名

普梅汛兵拾伍名

孟梅卡兵伍名

南利卡兵伍名

木甌卡兵伍名

篾那卡兵伍名

篾弄卡兵伍名

以上普梅汛屬共貳拾捌卡與交陟麻弄接壤
開化董湖八達接界

者賓汎

外委壹員兵丁肆拾伍名所管壹汎肆塘貳卡

里貢塘兵叁名 者賓汎兵拾名

上野塘兵叁名 那達塘兵叁名

蘇莞塘兵陸名 郎海卡兵拾名

蘇龔卡兵拾名

以上者賓汎屬共肆塘貳卡與粵西小鎮安汎
接界

彌勒灣汎

把總壹員兵丁玖拾名所管壹汎拾陸塘貳卡

者况塘兵叁名 木帖塘兵伍名

宜樂塘兵叁名 者兔塘兵伍名

高山塘兵叁名 者鍾塘兵伍名
流水

者豹塘兵叁名 馬別河塘兵伍名

六郎塘兵叁名 下安排塘兵叁名

上安排塘兵叁名 法白塘兵伍名

法車塘兵叁名

楊伍塘兵叁名

彌勒灣汛

兵貳拾陸名

新塘兵叁名

維摩塘兵叁名

三眼井卡兵叁名

糯古八達卡兵叁名

以上彌勒灣汛屬共拾陸塘貳卡與廣西阿得

卡接界

阿記得汛

外委把總壹員兵丁叁拾壹名所管壹汛陸塘

貳卡

革掌塘兵叁名

克林塘兵肆名

紅石岩塘兵叁名

阿卡黑塘兵叁名

阿記得汛兵陸名

猓猴驛塘兵叁名

拖白泥塘兵肆名

界牌卡兵叁名

母豬黑卡兵貳名

以上阿記得汛屬所管共陸塘貳卡與開化阿

雞塘接界

一存城經制官兵

叅將壹員

守備壹員

千總壹員

把總壹員

外委把總壹員

額外外委馬兵陸拾陸名

步戰兵壹百陸拾肆名

廣南府誌

卷三

兵防

九

守兵壹百陸名

一於乾隆三十六年內原建兵房二百九十九間在西門小南門等處歷年久遠傾圮甚多

韃生員丁生聰校刊

廣南府誌卷之三

郵旅 塘汎 舖遞 道里附

雲南地處極邊而廣南又雲南之極邊然既設官置吏則簿書期會事所不免且郡治下通兩粵上達省會羽書遞速商旅往來關係甚重塘汎舖遞道里亦宜記載誌郵旅

塘汎 附

由廣南府城十里 至城東 董那孟塘 三十里至

廣南府誌

卷三

郵旅

十

寶月關塘 二十里至 高規槽塘 十里至 楊柳

塘 二十里至 西洋江塘 十里至 安興灰塘 十里

至 蜈蚣箐塘 十里至 木郎溝塘 二十里至 羅貢

塘 十里至 過流坡塘 十里至 響水塘 十里至 安

環甲塘 十里至 沙斗塘 二十里至 者郎塘 十里

至 安戈部塘 十里至 普廳塘 十五里至 波淋塘

二十里至 瓦窰塘 二十里至 四亭塘 十里至 三

亭塘 十里至 老鬼墳塘 十五里至 飯朝塘 十里

至平嶺塘 十里至 區令塘 十里至 岩哈塘 十里

至洞耶塘 十里至 戈革塘 二十里至 者桑塘 十

里至 那尾塘 二十里至 剝隘汛屬者嶺塘 十里

至剝莪塘 十里至 剝隘汛 十里至 剝瀨水塘 此

塘接粵西左江鎮標中營邏村汛界 板達水塘

上至剝隘汛五十里 此塘接粵西上林營周

馬汛界

至者賓汛由普廳塘 六十里至 里貢塘 三十里

廣南府誌 卷三 郵旅

至者賓汛 二十里至 上野塘 此塘接粵西鎮安

協小鎮安汛下野塘界

又自者賓汛十里至那達塘 此塘接粵西鎮安

協小鎮安剝頭塘界

又自者賓汛十里至蔴莞塘 此塘接粵西坡厚

塘界 四十里至 蔴蕪卡 十五里至 郎海卡 此

卡接交陟保樂州界

板蚌汛由寶月關塘 五十里至 乃安塘 六十里

至板蚌汎 八十里至 壩下水塘 六十里至 威泌水塘 此塘接粵西上林營那腊汎界

者洪汎由府城 十五里至城北 分水嶺塘 二十

里至 打戛塘 四十五里至 阿科塘 五十里至 者

歪塘 十五里至 八達塘 二十里至 羅里塘 二十

里至 者洪汎 此汎接粵西古障汎界

命帖汎由府城 二十五里至城東北 董播塘 二

十五里至 命帖汎 此塘下接粵西八柴汎

廣南府誌 卷 郵旅 十二

普梅汎由府城 八十里至城南西南 威竜卡 二

十五里至 鐵廠卡 二十五里至 維摩卡 十五里

至 黑達卡 十五里至 那撒卡 二十里至 鬼馬卡

此卡路通開化六詔汎 二十五里至 革鮮卡

二十里至 平寨卡 二十五里至 狗街卡 十五里

至 猴街卡 二十里至 羊街卡 十五里至 壩舊卡

十里至 木梳卡 二十里至 阿妹卡 二十里至 董

佈卡 五里至 板江卡 此卡出開化普元塘 五

里至董佈街卡 十里至木央卡 十五里至達妥

卡 十里至里黑卡 十里至美湯卡 五里至美得

卡 二十里至董昂卡 此卡路通開化董湖寨

二十里至普梅汎 二十里至孟梅卡 此卡接壤

開化弄夏寨 五里至南利卡 此卡路通交陟

龍古寨 二十五里至木甌卡 二十里至篋那

卡 五里至篋弄卡 此卡接壤交陟董奔寨

法白汎由府城 二十里上至城西北者况塘 二

廣南府誌 卷 郵旅 十三

十里上至木帖塘 二十五里上至宜樂塘 二十

五里上至者兔塘 二十里上至高山流水塘 二

十里上至者鍾塘 二十里上至者豹塘 二十里

上至馬別河塘 十里上至六郎塘 十里上至下

安排塘 十里上至上安排塘 二十里上至法白

塘 十里上至法車塘 十里上至楊伍塘 十里上

至彌勒灣汎 十里上至新塘 此塘路通邱北汎

四十里上至維摩塘 十五里上至三眼井卡

此卡路通開化芹菜塘界糯古八達卡 下至楊
伍塘十里

阿記得汎由府城 二十里上至城西 革掌塘 二

十里上至 克林塘 三十里上至 紅石岩塘 二十

里上至 阿卡黑塘 十五里上至 阿記得汎 十五

里上至 猓多驛塘 三十里上至 拖白泥塘 十里

上至 界牌卡 六十里上至 母豬黑卡 此卡路通

開化上凸塘界

廣南府誌

卷二

郵旅

十四

舖遞 附

郵傳額設六舖共舖兵九名由府城 四十里至

木帖舖 五十里至 者兔舖 五十里至 者鍾舖 五

十里至 馬別河舖 六十里至 法白舖 五十里至

彌勒灣塘

道里 附

廣南府達省城路考由府城 四十五里至 木帖

五十五里至 者兔 五十里至 者鍾 五十里至 馬

別河 六十里至法白 五十里至彌勒灣 六十里

至樹皮塘 九十里至大百戶 五十里至臙革竜

五十里至小江口 五十里至二台坡 五十里至

竹園村 七十里至彌勒縣 六十里至大麥地 七

十里至路南州 六十里至宜良縣 六十里至呈

貢縣屬七甸 七十里至省城

通計共一千五十里

廣南府達廣西淶冲路考由府城 六十里至高

廣南府誌 卷 郵旅 十五

規槽 五十里至蜈蚣箐 五十里至響水 六十里

至普廳 五十里至四亭 五十里至平嶺 六十里

至者桑 五十里至剝隘 六十里至廣西淶冲

通計共四百八十里

廣南府達開化路考由府城 五十里至安排 七

十里至阿記得 六十里至阿雞 七十里至江那

汎 七十里至開化城

通計共三百二十里又一路由革掌塘較捷

廣南府誌卷之三

秩官 土官附

廣南設官前代無可稽考

本朝以來始設文武員弁孰堪戶祝孰干物議文獻無徵所不敢知也姑就志畧姓氏爵里存之以志不忘乾隆四十六年以後復查考著之於篇

知府

明

廣南府誌

卷

秩官

十六

王道廣

廣東番禺人

廖鉉

本朝

倪巽生

四川重慶府巴縣人

仝元樞

直隸河間府獻縣人

翁世庸

浙江杭州府錢塘縣人

沈志遠

鑲白旗人廕生

順治十八年任

李夢白

陝西人貢生

康熙五年任

劉邦彥

鑲黃旗人監生

二十一年任

沈志達

籍貫未詳

二十九年任

崔維衡

遼東廣寧人

三十一年任

鍾韻遠

鑲紅旗人監生

四十二年任

茹儀鳳

宛平人監生

四十三年任

蔡起俊

鑲白旗人監生

五十五年任

張允隨

奉天鑲黃旗人

雍正元年任

潘允敏

南漂陽人進士

二年任

廣南府誌

卷

秩官

十七

賈秉臣

山西人

五年任

呂大成

正紅旗人

八年任

陳克復

浙江人貢生

十三年任

宋壽圖

籍貫未詳

乾隆九年任

曾夢龍

直隸河間府景州人進士

十三年任

方廷英

貴州南龍府普安州人吏員

十四年任

謝升

籍貫未詳

蔣衡

江南蘇州府吳縣人貢生

十七年任

富松 饒白旗人廕生 二十二年任

劉序 山東青州府諸城縣人進士 二十七年任

王顯緒 山東登州府福山縣人進士 二十七年任

額魯禮 籍貫未詳 三十一年任

汪儀 浙江杭州府錢塘縣人監生 三十一年任

徐名標 安徽池州府青陽縣人 三十六年任

克色禮 饒黃旗人 三十六年任

慶裕 黃旗人 四十二年任

廣南府誌 卷之 秩官 十八

莊肇奎 浙江嘉興府秀水縣舉人

單光國 安徽徽州婺源縣人附貢生 四十五年任

宋成綏 江蘇長州縣人監生 乾隆四十七年任

馬文周

劉大祺

翁元圻 浙江紹興府餘姚縣人進士 五十九年任

傅應奎

穆克登碩

王 楸 陝西西安府咸寧縣監生 嘉慶五年署

施廷良 江蘇元和縣監生 六年署

觀音保

范 櫛 山西汾陽府介休縣貢生 九年任

李文杞 直隸宛平縣廩生 十一年署

劉 塏 順天通州貢生 十二年任

何 愚 廣西平樂府平樂縣進士 十八年任

宋 湘 廣東嘉應州進士 二十年署

廣南府誌

卷三 秩官

十九

葉申薌 福建閩縣進士 道光三年署

附郭寶寧縣知縣

郭治

曹國弼

古肇新 順天府宛平縣監生 乾隆三年任

杜光觀

彭之瑤 貴州思南府安化縣舉人 四年任

朱興燕

劉汝巽 洪軍鑲紅旗人 八年任

廣南府誌 卷三 秩官

楊玉生 陝西西安府三原縣吏員 十一年任

馬珩聲 江西漂陽縣人 十五年任

馮傑英

陳旭世 福建泉州府晉江縣舉人 二十一年任

王元羲 山東青州府諸城縣舉人 二十五年任

方天保 浙江溫州府泰順縣拔貢 二十五年任

郝敬修 山東萊州府高密縣監生 三十年任

朱陽 福建龍巖州漳平縣人翰林院庶吉士 三十年任

李漢 漢軍正黃旗舉人 三十五年任

陶廷樑 江蘇常州府江陰縣人監生 三十六年任

關基泰 廣西桂林府臨桂縣附生 三十七年任

徐沅 浙江杭州府錢塘縣監生 三十八年任

席世綉 江蘇吳縣人監生 四十一年任

縱璞 江蘇徐州府蕭縣人監生 四十二年任

施廷良 江蘇元和縣人監生 四十三年任

劉大鼎 安徽亳州人監生 四十五年任

廣南府誌 卷三 秩官 三十一

蔣如燕 安徽安慶州懷寧縣監生 五十五年任

熊孔榮 貴州貴陽府龍里縣舉人 五十五年任

童雲棟 浙江紹興府蕭山縣監生 五十六年任

盧响 鑲黃旗漢軍吏目 嘉慶三年任

李治重 陝西漢中府城固縣舉人 七年署

潘端 安徽安慶府桐城縣舉人 九年署

張椿齡 內務府正黃旗漢軍舉人 十一年署

章慶廉 順天府大興縣監生 十二年署

陳務本 河南汝寧府西平縣監生 十四年任

李培英 安徽六安直隸州舉人 二十一年任

譚 綸 湖南永州府祁陽縣拔貢 二十二年署

許澄清 浙江杭州府海寧州人 捐廉銀壹千兩入培風書院 廿三年任

吳登善 江蘇海州沐陽縣監生 道光二年署

鄭一蕊 貴州思南府玉屏縣舉人 二年署

王國勛 浙江杭州府錢塘縣監生 三年署

何蘭汀 浙江山陰縣進士 四年任

廣南府誌

卷三 秩官

府儒學

教授

曹拔 大理府雲龍州舉人

羅元怡 雲南府安寧州舉人

張揆亮 澂江府進士

林鶴來 臨安府建水縣進士

李文彝 雲南府安寧州人

楊殿元

廣南府誌

卷三

秩官

二十三

許平

張聖功

蔡馨 雲南府晉寧州進士

饒學義 永昌府保山縣拔貢

李樹堂 鄧川州舉人

祁文煥 河陽縣舉人

李兆榮 澂江府舉人

張汝相 太和縣拔貢

李作舟 昆明縣舉人

仇克昌 臨安府建水縣舉人

廣南府誌

卷三 秩官

二十四

訓導

趙宏 澉江府河陽縣人

張宏勳

李如櫨

劉光 臨安府建水縣舉人

史紀周 石屏州舉人

王學儉 永北直隸廳廩貢

廣南府誌

卷三

秩官

二十五

經歷

董肇元 直隸永平盧龍縣人

趙之瑞 湖廣武昌府人

尹復 浙江山陰縣人

胥逢 署事

杜成章 署事

李一選 江南懷寧縣人

孫如芝 署事

廣南府誌

卷三 秩官

二十六

孟履祥 江南沛縣人

潘有章 江南江都縣人

陳治策 福建鳳山縣人

郭如峩 河南洛陽縣人

吳啓文 浙江錢塘縣人

金士榮

古肇新

許景淹 直隸饒陽縣人

張若淦 江南吳縣人

徐紹墉 浙江錢塘縣人

許栢齡 直隸饒陽縣人

張曰明 四川合江縣人

陶廷樑 江南江陰縣人

王鼎新 四川巴縣人

秦濤 浙江仁和縣人

謝玉明 浙江山陰縣人

廣南府誌 卷三 秩官

熊方訓 廣西永康州廕生

張烱 直隸安肅縣拔貢

劉照藜 湖北竹山縣拔貢

江青 四川成都縣拔貢

彭大偁 江西廬陵縣人

張安濤 湖北漢陽府人署事

談淳 浙江仁和縣生員署事

秦湧勇 江蘇無錫縣人署事

縣典史

周奕芳 籍貫未詳

王瑄 籍貫未詳

陳明梁 江南六安州人

包先本 浙江紹興府會稽縣人

成光統 順天宛平縣人

郁爰泰 順天大興縣人

章定遠 江南池州府貴池縣人

廣南府誌

卷三

秩官

二十八

馮璠 浙江紹興府會稽縣人

周天錫 順天大興縣人

張法亮 山西平陽府浮山縣人

陸經邦 浙江紹興府蕭山縣人

龔一登 福建泉州府閩縣人

李兆裕 四川成都府人

陳邦元 廣東嘉應州長樂縣人

鍾牆 浙江紹興府蕭山縣人

李廷芳 湖廣荊州府江陵縣人

吳方露 浙江紹興府山陰縣人

袁瑞麟 順天府大興縣人

呂仕正 浙江紹興府山陰縣人

伍鼎 江蘇蘇州府元和縣人

馬廷鈺 順天府大興縣人

周濬 江蘇常州府武進縣人

章炳 浙江紹興府會稽縣人

廣南府誌

卷三 秩官

沈塘 順天府大興縣人

陳榮 順天府供事

周紹宗 浙江紹興府諸暨縣人

呂希簡 四川成都府成都縣人

吳梅 順天府大興縣人

龔可焯 順天府大興縣人署事

陳驥 浙江湖州府德清縣人

張兆梅 江蘇常州府無錫縣人署事

武職

叅將康熙二十一年全滇平定廣南營設立遊擊

段宗岳雍正二年改設有隸人

魏翥國 雲南人

王曰清 雲南人

馮鸞 浙江人

田昌友 陝西人

鄭文煥 陝西人

廣南府誌 卷三 秩官

三十

吳世英 雲南人

張有義 四川人

恩福 滿洲鑲紅旗人佐領

八十四 滿洲正藍旗人

百福 滿洲鑲藍旗人

富明阿 滿洲鑲藍旗人

永明 蒙古鑲黃旗人

塔思哈 蒙古正藍旗人陞曲尋協副將

張士鴻 太和縣人由臨元都司委署

海通阿

滿洲鑲白旗人嘉慶二十五年署整飭營伍訓練兵丁凡有缺額概行補足合營感激激聞予修誌請識之

富常祿

滿洲正藍旗人陞湖南長沙協副將

方振文

雲南昆明縣人署事

保慶

滿洲正黃旗人

守備一

李春元

昆明縣人由行伍陞

張振鵬

昆明縣人由行伍陞

朱自清

東川府人由行伍陞

王英

建水縣人由行伍陞

馬匡周

元江州人由行伍陞

趙啓周

鎮雄州人由行伍陞

吳善繼

昆明縣人由行伍陞

廣南府誌

卷三 秩官

三十二

吳元

昆明縣人武舉

馬占元

元江州人武舉

石鼎臣

昆明縣人由世襲雲騎尉陞

孫賜祿

昆明縣人世襲雲騎尉委署

趙聯科

太和縣人由行伍委署

石蓋臣

昆明縣人由行伍陞復陞龍陵協都司

鄭騰雲

廣西州人本營千總委署

張得功

昆明縣人本營千總委署

左 啓 建水縣人由行伍陞

廣南府誌

卷三 秩官

三十三

土官附

土同知

元時儂郎恐為宣撫有二子長不花次

征佑明初儂郎金歸順授土同知死無

嗣征佐襲後以罪死洪武二十九年請

以儂郎舉為通判郎舉死子印祖襲正

統中以征麓川功陞同知印祖死子俊

襲俊死子良襲良死無嗣儂印富攝理

廳事生二子仕英仕解印富死子仕英

襲仕英死無嗣弟仕解攝事生二子文

亮文舉仕解死子文亮襲文亮死子承

恩襲嘉靖間征元江承恩殿後有功承

恩死無嗣叔文舉襲文舉死子應祖襲

應祖死子紹周襲崇禎十一年紹周陞

授土知府其土目唐朝選傳若緄吳天

寵何文農繼武等量加所鎮衛銜紹周

廣南府誌

卷三 秩官

三十四

尋以考休致子儂鵬襲

本朝

順治十六年大師平滇儂鵬起軍前投順將印

信號紙呈繳康熙二年題襲同知康熙十二年

吳三桂叛命鵬隨征屢著戰功康熙二十一年

題襲土同知康熙三十一年鵬死子繩英庶出

其正妻以遺腹報襲後生子繩武天亡未娶康

熙四十七年衆舍目仍公舉繩英襲雍正七年

繩英死子振裔隨官兵征西林縣八達至乾隆二年題准振裔襲二十五年振裔之子毓榮襲四十四年毓榮死妻沈氏撫幼子世昌襲世昌無子嘉慶八年請以胞弟世熙襲二十二年世熙出師臨安身故請以親子兆桂襲兆桂尙幼請以堂兄兆梅代辦俟兆桂及歲交還關防

土富州知州

元時沈郎先爲富州安寧二州土官子永秀梁王署爲元帥明洪武中永秀歸附尋死子大忠嗣守邊有功西平侯奏授知州其後子

廣南府誌

卷二

秩官

三十五

微弱多以上舍護印萬歷年間沈仁挈印逃奔泗城有沈銳者取其印以歸沿至沈世祿死子明通繼明通死子崑瑞繼

本朝平滇沈崑瑞投誠仍授世職康熙二十九年以崑瑞之子肇乾襲雍正八年肇乾以罪黜子燦辦理乾隆二年題准燦襲乾隆三十九年以燦之子毓棟襲嘉慶十五年毓棟老不任事請以珮璵襲

廣南府誌卷之三

名宦 附

廣南在明代為土府

國初始設流官相傳先時止有夷人風俗渾樸畏土官如畏神明無所謂命盜案牘也道險多瘴官斯土者皆駐劄省垣遙領銜名而已通志載王道廣番禺人隆萬間任廣南知府廉靜不擾考明史萬歷末知府廖鉉避瘴臨安印寄土司

廣南府誌

卷二

秩官

三十六

後被竊是知府履任者實鮮

本朝賢守令接踵志畧止據去思碑採擇雖實政偉績不見記載然尙有祀於鄉者故表而出之誌名宦

明

知府

王道廣 廣東番禺人明隆慶間任知府廉靜不擾民蠻相安

本朝

知府

鍾韻遠

茹儀鳳

詳請開學捐修
初輯郡志

黌宮正殿捐修橋梁

潘允敏

創建

大成門東西廡鄉賢名宦祠

賈秉臣

廣南府誌

卷三 秩官

三十七

陳克復

蔣衡

富松

王顯緒

汪儀捐修正殿建櫺星門左右坊忠孝節
義祠文昌魁星二閣後傾

單光國纂修廣南府志畧

傅應奎修蓮峰書院

知縣

廣南府誌

卷三 秩官

三十八

馬珩聲

關基泰

廣南府誌卷之三

選舉 中式 選拔 歲薦附

本朝科目取士垂百餘年名臣理學不能屈指數廣南始設學時赴臨安應試風氣初開借才異地故雍正乙卯鄉薦皆建水石屏人自乾隆年間始間有登科者茲嘉慶癸酉至壬午十年之中六舉賢書方興未艾則捷南宮登翰苑亦且暮事耳誌選舉

廣南府誌 卷二 選舉

三十九

中式舉人

陳泰來 雍正乙卯科建水縣人

董作錦 雍正乙卯科石屏州人

董源 乾隆丁卯科建水縣人

陳龍章 乾隆丁卯科 任河南鞏縣

蔣安世 乾隆丙子科

王元樞 乾隆己亥 恩科任山西高平縣

趙宗獻 嘉慶癸酉科

戴清 嘉慶丙子科

王在公 道光辛巳 恩科

王佩璋 道光辛巳 恩科

胡慶元 道光壬午科

李如珠 道光壬午科副榜

乙酉補刻

李如珠 道光乙酉科

雷萬欽 道光乙酉科

廣南府誌

卷三 選舉

四十

武舉

李浥仙 康熙癸巳科

王元輔 康熙甲午科

劉淮 康熙丁酉科

楊廷輔 雍正癸卯科

張瑞 雍正癸卯科

納寬 雍正丙午科

包何清 雍正丙午科

廣南府誌

卷三 選舉

四十一

楊王廷 雍正巳酉科

李源 雍正巳酉科

王毓賢 雍正巳酉科

武允聰 雍正巳酉科

郭從侯 雍正壬子科

周漢 雍正壬子科

王通 乾隆戊午科

儂德榮 乾隆壬午科

陳道揚 乾隆丁酉科

康國泰 乾隆己亥 恩科

方富

趙朝棟

龍在朝

王齊功

王憲臣 乾隆癸卯科

賀玉成 乾隆己酉科

廣南府誌

卷二 選舉

四十二

儂世能 乾隆壬子科

萬朝舉 乾隆乙卯科進士

儂世炤 嘉慶戊午科

王國樑 嘉慶庚午科

宋學溥 嘉慶癸酉科

馬呈祥 嘉慶己卯科

馬萬清 嘉慶己卯科

恩貢

何永清

李元樑

農燦藻

趙珍

嚴誌

河陽縣教諭

張淳

許爾粹

王國瑞

雷華鳴

廣南府誌

卷三

選舉

四十三

拔貢

李正

劉涵

江曙

席盛

任琰

王元耦

乾隆丁酉科
巳亥中式

嚴誠

乾隆巳酉科

陳九功

嘉慶辛酉科

戴清

嘉慶癸酉科
內子中式

趙宗獻

嘉慶癸酉科
本科中式

陳秉鈞

道光乙酉科

雷萬欽

道光乙酉科

廣南府誌

卷三

選舉

四十四

歲貢

楊 樾

田泰來

徐 正

陶我性

李 拔

白士明

梁必元

楊清澄

段南宓

廖為楷

王贊成

趙殿瓊

谷天爵

鄧允楷

廣南府誌

卷三

選舉

四十五

張虞風

楊錫綬

鄒秉仁

秦應祥

蕭 英

楊志淳

楊志道

李先達

農 備

唐祖通

農 俊

董重清

陸澤溥

蔣 璠

陸 坦

趙宗明

蒙化廳訓導

吳升

王鵬

武俊

陳九疇

段一甲

劉宗沛

宋雕龍

董以孝

蔣必甲

何佑高

黃立紀

潘定衡

趙於清

余懷誠

周國璨

周國珍

廣南府誌

卷三 選舉

四六

周國瑛

唐宗文

周國璋

李友松

張仁同

趙廷樞

龍虞生王懋昭校刊

廣南府誌卷之三

人物 忠烈 文學缺 貞節 人瑞 流寓附

考通志忠孝節義人瑞流寓各府著有姓氏惟

廣南獨無以向屬荒裔也今百餘年來涵濡

聖教科目迭興士之通經史而擅詩文者月異而歲

不同安在視今猶視昔也况忠孝節烈人人所

自具之性豈湮沒於遐陬今據耆年宿學所稔

知樂道者搜羅登記闡潛德之幽光不其媿歟

廣南府誌

卷三 人物

四十七

因書忠烈文學貞節附以人瑞流寓誌人物

忠烈

陳桂

廣南人臨元鎮左營把總本姓梁名星照於乾隆五年出師貴州勦除逆苗陣

亡奉

旨賜卹抄發祭文一道

皇帝諭祭陣亡把總陳桂之靈曰鞠躬盡瘁臣下之

芳踪卹死報勤國家之盛典爾陳桂賦性忠直國爾亡身禦敵衝鋒奮勇陣歿朕用悼焉特頒祀典以慰幽魂嗚呼聿昭不朽之榮庶享匪躬之報爾如有知尚克歆享

方富

廣南人出師木邦攻銅壁關紅石岩陣亡乾隆三十四年已邀賞卹照七品官

例減半給祭葬銀

許景淹

直隸饒陽縣人任普廳經歷乾隆三十二年七月奉調赴永昌辦理軍務三十三年正月在木邦殉難四十二年總督李具

奏請旌奉准部議照陣亡例議卹將許景淹照縣丞加贈之例加贈鑾儀衛經歷准其廕一子入監讀書

張士鴻

太和縣人由臨元都司署廣南營叅將事性豪量雅訓練有方暇時尤工水墨花鳥獲者咸寶之道光元年奉調隨征永姚逆夷首先戰亡具

奏奉

旨賜卹入祀昭忠祠例廕一子世襲雲騎尉

廣南府誌

卷三 人物

四十八

貞節

方世璧妻楊氏

二十五歲夫故氏矢志守節家徒四壁晝夜紡績勤力養膳翁

姑盡誠盡敬歿後力營安葬子方襁褓艱辛撫養及稍長教訓有方乾隆四十

三年詳

題賞准建坊銀兩

王廷相妻孫氏

二十一歲夫故翁姑以氏弱齡勸其改嫁氏截髮自盟誓無異

志家雖貧乏鄰里有憐之者餽送輒辭不受孝行彌篤苦節五十年終始如一

乾隆四十三年詳

題賞給建坊銀兩

將陳義妻段氏

二十五歲夫故家無擔儲矢志靡他翁姑在堂孝養時篤以志

廣南府誌

卷三 人物

四十九

殞歿喪葬間無不盡禮氏子必甲甫生三月氏撫孤晝夜紡績以供衣食比成立令就外傳督課甚嚴必甲於乾隆四十五年現補廩庠而氏之黽勉苦節始終如一特錄存之以俟異日紳士呈請轉據詳請咨

部

龍在朝妻何氏

二十四歲在朝出師不知存亡遺孤甫四齡氏苦節守制恃十

指營生壽至八十有四

武傑妻李氏

二十二歲夫歿遺一子尚幼族人欲奪其志氏剪髮自誓族人

復騙為尼引尼入室氏見勢莫逃竟投井以救獲蘇守節四十餘年壽至七十

一歲

張有功之妻

乳名小鳳二十七歲夫歿子天苦節自守恃女工樵汲度日老猶自食其力今幾百齡有送食者食之否則饑飽亦不知也問其姓與年歲亦不復記憶云

秦安義妻農氏

十七歲夫歿遺一子甫週歲母子習儒業守節三十五年壽五十一歲欲奪其志氏誓死弗從辛勤教

生員張雲鵬妻曾氏

二十二歲夫歿無嗣撫夫姪為子復天亡氏素服謹事翁姑現今五十七歲

廣南府誌

卷三 人物

五十

陳朝元妾何氏

十九歲朝元夫婦歿氏勤苦紡織視嫡子如己子撫養成入守節八十餘年下見元孫歿年百有四歲

王珮瑛妻陸氏

王隨伯父宦游山西尋卒夫弟扶櫬歸氏哀毀逾常水漿不入於口有殉夫意姑微覺囑家人謹備之既葬氏強納勺飲備稍疎遂服毒而死

題旌表

周志聖女周氏

許字范干總范以罪戍邊女聞痛哭絕而復甦請於父母肩輿至郊哭送回即至范家守節事姑維謹後以壽終

王文輔胞姐王氏

十七歲許字某外委失其姓外委死氏詣婿家事姑守節

蔣迎秀

伯氏欲逼嫁之女剪髮自誓勤苦終身竟以壽終

邑武生宗敏女年十九許字歐陽興聰嗣聞與聰病篤女囑鄰姬往視至則已

死女聞之大慟欲奔喪父不許欲省墓亦不許女以死自誓父命其嫂備之嫂

以他辭勸阻女曰吾不作二姓矣適父以事之鄉越三日歸女謂嫂阿翁且歸

曷往治飯嫂去遂著白衣履以蔴束髮取素所刺繡剪棄滿樓飲醜而死

王氏

十八歲氏幼嫻內訓柔巽端詳許字外委把總黃世麟未笄世麟死世麟係陝

西寧夏府人隻身貿易到廣入營並無親族氏立志苦守誓不改嫁守貞四十

餘年鄰里毫無閒言乾隆三十一年奉

旨建坊旌表

廣南府誌

卷三 人物

五十一

朱烈女

名小剪年十四法白寨民之女為同寨奸民某所逼女羞憤自縊死案具奸民

正法奉

旨給銀三十兩建坊旌表

姜貞女

許字孫其旺為室其旺依人賈於外病歿孫母以聘禮歸姜氏女知之大慟誓

以身殉其父母力為防護女曰既以身許孫即孫氏婦請歸事姑以告孫孫猶

豫女以肩輿至登堂哭拜言曰姑無子年且老兒願以針帶為菽水供奉姑歿

營葬後年九十餘而終

高姬

傅太守造室太守何公有記

王志正妻陸氏

志正郡庠生歿時氏年二十六歲遺腹生子氏矢志守節教子

旌表

成人事祖姑及姑惟謹喪葬如禮嘉慶二十三年詳請

龔

偉妻謝氏

偉歿氏年二十六歲遺一子思醇方一歲矢志事姑撫子遊庠

食廩氏卒年五十六歲

楊文翥妻王氏

文翥郡庠生歿時氏年二十四歲遺一子懷清氏矢志事翁姑

教子遊庠學使加以額曰松齡柏節

廣南府誌

卷三 人物

五十三

人瑞

壽婦農陸氏 縣民農矣催之妻年一百一歲乾隆十二年寶寧縣知縣劉汝巽為

呈報百歲雲南總督張 疏稱世際

昌期閨閣咸登壽域時逢 景運苗蠻亦樂春臺惟

帝德之涵濡感孚邊徼斯 皇仁之浩蕩瑞應遐齡茲寶寧縣民農矣催之妻陸

氏生於順治四年屆今乾隆十二年現 年一百一歲具 奏奉

旨建坊着加 恩賞給緞一疋銀十兩

壽婦何陸氏 縣民何芝秀之妻生於康熙十五年現年一百三

廣南府誌 卷三 人物 五十三

歲知府莊肇奎詳請

題旌表奉 旨建坊着加

恩賞給緞一疋銀十兩 壽婦陳農氏 穉庠生陳朝元之妻農氏年一百三歲

流寓

周

煜

原籍江蘇上元縣人寄居廣南習儒業
通元數孝友睦婣磊落奇偉有處士風
郡人咸稱仰之

王思訓

昆明人官檢討未遇時客廣南遍覽山
水之勝題詠甚多今尚存題皇姑墳七
律一首并序

廣南府誌

卷三 人物

五十四

廣南府誌卷之三

古蹟

蓮峰花架蒼翠爭奇玉泉盤江清澄取媚使逢
賢達勝士言詠屬文當不啻山陰道上應接弗
暇匡廬峰高景行莫及也乃潛輝僻壤臣彩荒
陬只來蠻獠之行踪無復士夫之憑弔茲愚探
幽選勝踵事增華八景續題七言載詠颺糠秕
者猥居前路投珠玉者端望後賢誌古蹟

廣南府誌

卷三

古蹟

五十五

法上竜城

在城西十五里其城險固城後有高
山壁立復有石城憑高臨下城每恃
為聲援

科巖馬跡

另有論辯在府城北狄青破農智高
至此相傳為智高馬跡

寶月雄關

在府城東

豐年古洞

在府城東

暮寺鐘聲

龍泉夜月

西洋晚渡

者鷓高峙

高山流水

安寧廢州

在城東北一百三十里元置明初省入府

廣南舊衛

在城內明洪武二十九年置永樂元年移置於雲南府治東

安化郡主墓

明永歷女弟隨兄播遷土廣南病歿葬於西郊

蓮郡宵燈

廣南界聯黔粵五方雜處百貨充物郡治視昔繁盛士人比戶誦讀短檠

燈映掩明滅長衢攤賣菓餌徹夜燈燭熒煌邊隅之大觀也

楠溪畫艇

在剝隘西洋江板蚌河二水匯此東流出粵西右江羊城賈客貿易於此

廣南府誌

卷三

人物

五十六

每晨興貨艇絡繹溯流而上黃昏始歇以多險灘不能夜行也臨河對坐篙聲帆影漁歌互唱無異東南繁富之區

龍湫陰雨

龍湫水自迸溢歲乾旱禱雨輒應陰雨之日山霧溟濛樹陰濃緝或覲面

如隔紗幔或轉眼便成昏且以風過霧開也離郭二十五里時久不雨余親禱於此

虎阜晴霞

虎阜在城西以昔有虎蹲此得名四望層巒疊障嵐光霞彩氣象萬千後

建講武廳其上廣南稱勁旅意者得山川之氣歟

翠嶺屏風

在飯朝今土富州署在山下壁立萬仞遠望若錦屏風色如翡翠如青金

非滇南陂陀黃壤白墳可比固知無地無拔奇擬異之才士生蠻嶺瘴鄉當矢此志

響泉瀑布

在響水汎從半山瀉出萬縷千絲跳珠噴玉聲如刀鎗鳴如金石韻令人耳目清新

普廳秋稼

普廳前田疇平行山有源泉足資灌溉春耕得以盡力則秋稼棲腔接隴一望如雲土官樽節用民財力則氣象康阜矣

博瀨春遊

在剝隘下數里名博瀨每歲清明前後村人訂期會此麗人成羣結隊分行排立各張雨蓋好事者執其蓋以去麗人亦尋而至沽酒市脯圍坐勸

廣南府誌

卷三

古蹟

五十七

酬不通姓氏飲竟而散不及於亂亦夷俗非禮之禮矣

靈雨亭

建在城東十五里靈雨山嘉慶二十二年

來吉亭

在城西北極殿左嘉慶二十一年建

志畧載八景一爲科巖馬跡附會儂智高事太守何
公已著論辯之足破前人謬識至於西洋本無晚渡
暮寺鐘聲到處皆然奚謂之景餘更就山水拉雜稽
景羗無佳致可備詠歌公下車後培植人才振興風
雅於問俗巡方之便睇矚所及有足以抒寫性靈隨
筆記之踰年而萃爲八景併綴小序述其意而系之
以詩因思廣南方輿綿邈千巖萬壑豈無幽奇殊特
之觀乃僻在蠻荒卽好游如司馬公宗少文向禽固
未得涉歷甚至謫官遷客亦從無履其境者故名山
勝水湮沒無傳自公欣賞標題不獨新郡人士耳目
而吾儕之克自振厲者莫不願志典墳殫思研慮搨
管攄詞期附驥以俱彰云王佩瑋識

廣南府誌卷之三

物產

廣郡僻在窮荒地土磽确物產無多故通志及志畧止載數種今入版圖百八十年山川效靈地不受寶品彙自生自殖如菓魚之類味極佳美土人皆以為得未曾有因備登之以供記覽誌物產

菓類

廣南府誌

卷三

物產

五十九

橘 柑 柑 橙 梨 栗 藕 荸薺 稜

禽類

雲雁 白鷗 山鵝 畫眉 野雉 鷓鴣

獸類

熊 獐 鹿 兔

魚類

鯽魚 鱧魚 草魚 鰱魚 鱔

樹木

樟 木棉 柱 梧桐 松

藥

三七 千張紙 砂仁 皆出土富州

竹類

八面竹 雲竹 棕竹

廣南府誌

卷三 物產

六十一



南府誌

文藝

兩漢之文意餘於言六朝之文言餘於意唐宋而降無體不備無奇不至矣廣南在前朝猶結繩刻木之舊無所謂文藝也我

朝不棄遐荒收入版圖設學立教訖今百八十載振興鼓舞家藏典籍架列縹緗近與多士論文亦皆清奇灑淡名口成家今纂脩郡誌旣乏前

廣南府誌

卷四

文藝

一

賢鴻篇鉅製諸生請採時彥記詠並拙作鐫

成帙芝蘭玉樹固足怡情澗草巖花聊供目笑

云爾誌文藝

義學規條議

布政使陳宏謀桂林

竊惟人才之興惟資教育風俗之易端賴詩書蓋師道立則善人多士習端則民風厚實積漸之使然而非巨父之可致也滇居邊末漢夷雜處仰沐



聖化之溘濡無遠弗弗固已聲教日隆文明漸啟矣
而鄉寒子弟猶苦無力延師夷獯鄉愚或苦不
知嚮學教澤未廣則士習難以變遷化導未周
則民風終於喬野故邊省義學視中土爲尤急
而鄉村義學視城市爲尤急案查滇省義學荷
蒙憲仁加意作養設法振興義學之設所在多
有而於改土歸流之處俱奉

題明設立義學或動公件或撥官庠其爲化誨邊

民之計誠足以樹之風聲而各屬之仰體德意
者亦各捐建學舍置買學田祇以地方遼濶可
止及於城市而未及於鄉村其費無多或止行
於目前而未經於久遠卽其原有公田而或被
隱佔或被侵收地方官以度支不敷經理爲難
不無因陋就簡之意本司到任以來時承兩憲
諄諄提命留心教養曾經通檄行查將現在開
設者爲某處應行增設者爲某處目下脩脯作

何出產從前公。無侵佔如無公項即將所
需之費核定具覆往返駁查不遺餘力經今二
載據雲南等府屬及各提舉陸續造冊詳報前
來本司逐加查核如雲南府屬昆明縣等共四
十九屬冊報城鄉設立義學共二百八十一所
或舊有學田或新經添置或官莊餘穀并叛
產公租內撥給均已足敷束脩其雲南府屬之
呈貢等十一屬所設義學五十二所或稱田租

不敷或稱現在捐給本司竊念義學之設必使
費有常經庶幾事可垂久因逐加酌核按其所
缺之數及買田之費於本司廉內捐銀一千
二百五十二兩飭令各該屬買田收租永供脩
脯至於設學既久必須詳立規模始可永行無
弊謹擬條例四則恭候憲奪

一館師宜慎也成材之學取法宜上經館之師
選擇宜嚴地方官留心採訪無論本地舉貢生

員及外來紳士必須立品端方學有根底者延之爲師至於城鄉蒙館卽於本地附近生員儒士內慎選誠樸自好不與外事者爲之地方官不時稽查勤惰並令教官按期協查如能克端師範實心訓課該州縣優其禮貌時加獎勵果有成效於年底報明本司量予優獎如虛糜脩脯惰於督課者查明另延倘有不安本分於設學之村寨唆訟生事愚弄夷民者是不得義學

之益反滋漢奸之擾立即另行延請仍將所犯查審詳究以示懲戒每歲開館以正月爲期散館以十二月爲期開館時地方官將其館延請某人爲師於何日開館之處具報至歲底散館將某館生徒若干成材若干幼童若干註明漢人夷人申報查考不得遲開早放有名無實虛糜館穀

一化誨宜廣也成材之士務在敦勉實學習讀

佳文不可仍踵陋習專工浮靡請將憲臺所刊
書院條規及斯文精萃分發成材各館令其師
生人等專心傳習並令館師將存心立品居家
治事之道隨時指點切加勸戒至於蒙童則課
讀而外必訓以拜跪坐立之禮儀君親節孝之
大義每逢朔望館師率領各生以次序立拜謁
至聖次拜館師次令各徒交相拜揖館師於該地方
敬將

廣南府誌

卷四

文藝

五

聖諭廣訓明白講貫令各學徒環立聽講並許該處耆
老民人齊集聽講上年本司詳請印發

聖諭廣訓及本司恭繹

聖諭均宜按館補發又本司前歲重刊朱子治家格言
四禮四禮翼原爲興行禮教起見均請按館分
發以上分發

聖諭及各書均交館師遞相交代毋使遺失

一學徒宜分別遞升以示鼓勵也在城義學成

材爲多在鄉義學蒙童爲多然亦有蒙童而儘可造就漸至成材者是不可不遞加甄別如蒙館義學內有資性聰穎勤於課業可以學文者卽升之在城經館此等遠來就學薪水維艱該地方官量給膏火以示獎勵卽城中蒙館童子能曉經書學爲文字者亦卽升之成材經館如經館中有成材生員文筆可造而人材又復可觀者仍許遵奉憲檄量給盤費給交送至省城

候兩憲考取送入書院讀書如此層遞進取猶是古者由鄉而國之意而鄉僻生徒各知奮志觀光將來於此中提拔數人轉相傳授士習文風均有裨益至村寨蒙館夷獠子弟鮮通官語不識漢字其始必以讀書爲苦是在地方官加意引誘設法獎勵並令館師用心開導俾先通漢音漸識漢字並卽訓以習禮明義不得以夷獠而忽之更不得以夷獠而拒之如有土目頭

人阻撓不許向學者立即究處

一田租歸官經理以杜私隱也從前學田州縣並不管理或教官經收或館師自收易致盤踞漸多侵隱今撥給各館田畝有一處而分給數館者有數處而同給一館者零星分收完欠更難稽察嗣後均應歸地方官經收分給館師不許館師私收不許胥役分肥或租田附近學館地方官即令老成鄉約人等催令租戶眼同就

近上納并將納過數目報明地方官查考如有拖欠立即追比倘秋成尙遠館師不能枵腹課讀地方官量行捐墊取領存案於秋收時還項并將此田地租息另給佃戶執照於照內填明田畝坐落坵數租斗數目取具佃戶租約如佃戶逞刁抗欠追照另行招佃將來新舊官交代一并另造清冊交代可也

以上所陳如蒙憲裁核定通行飭遵則既有一

定之經費又有一定之事宜庶不致有名無實
有初鮮終從此星羅碁布處處有絃誦之聲目
染耳濡人人親詩書之澤行之既久禮義足以
化稚魯習之既深學問卽以變氣質不特可造
之俊士有所淬勵以觀成抑且難易之夷風皆
可漸摩而胥化

聖朝樂育之深仁憲臺訓行之至教必且永永無極
矣所有原設新設各義學館師姓名田畝坐落

坵段條糧租息等項相應脩造簡明清冊詳請
憲臺查核其捐銀新置之產行令作速置買另
冊報核至駁查未覆之二十二屬俟覆到另請
造報如現已設有義學之州縣尙有應行添設
者亦令隨時續設另文報查暫就庵觀之學舍
亦令陸續建造是否有當相應詳請憲臺批示
遵行

蓮城書院議 乾隆四十六年知府 單光國 葵源

竊照人才風俗相爲表裏欲使俗之一其趨必先使士之正其學廣郡建立蓮城書院前人議就學宮內令諸生附近肄業使教官兼治掌教事法良善已庚子春余自楚雄調守茲土准前任議書院山長仍令教授蔡掌之歲給脩脯銀壹百貳拾兩係府縣與土丞土州公捐旣已踵而行之俾教者得盡心以教而學者亦知盡心

廣南府志

卷四 文藝

九

以學固其宜也雖然教固難而學更難今之所學制藝而已顧俗儒記誦詞章急功近名無益之學也飭於躬脩於鄉敦孝弟而能文章斯爲可貴恭逢

文教覃敷之世我

皇上特諭士子以清真雅正爲宗凡代聖賢立言能體聖賢之心斯可求爲聖賢之人耳廣郡雖屬邊徼然諸生循循規矩非無可造之才望爭自

濯磨毋甘自暴棄行見人才輩出而風俗愈醇
謂非官斯土者之厚幸與至於樂育之澤久而
不忘訓迪之方久而靡倦則又在因書院之建
立踵事而加詳者

蓮峯書院田房記

嘉慶二十二年

知府何 愚 平樂

國朝恩敷四海無有遠邇建官設學故廣南舊雖
土府至今襲衣冠習詩書者彬彬濟濟復建

廣南府誌

卷四

文藝

十

書院俾郡人之秀者羣聚萃處於其中延碩
名儒爲之師而訓導之好善之士從而捐置田
宅使得取其租之所入供先生之脩脯備弟子
之焚膏內顧無憂各得潛心淬志於學業誼至
美而法至善也予下車伊始集諸生於講堂欲
以覘諸生器識文藝而稽前人之教授條規庶
昧然從事者得以恪守而力行之詎諸生有以
歷年財利之說譁辨於一堂者予心焉傷之曰

此固疇昔司事之不慎而亦守與令之鄙薄邊士漠不關心以致此也既往不咎願及予身而釐正之夫書院非利藪也使不得其人以司出納則難言矣使歲出歲入不有簿籍以記之亦難言矣使守土者避嫌遠怨任書院之脩廢財用之糾紛漫不經心則更難言矣諸生訟前司事之不慎非坐無章程之故哉諸生曰唯唯爰退而訪得貢生潘定衡廩生戴嶷生員胡萑

柴青雲四人而委之司事四人退讓再三謂之曰畏他日口舌耶今而後凡書院租息計爲一冊於所入所出之數分毫必記除書院延師課士各款並脩補

黌宮鄉試卷費外餘不得指事支銷歲終造冊送府查核予知四君端謹士所必籍者將以杜夫怨與嫉者之口且以貽後人得所法守耳及予自京旋滇復清出小廣南刁佃隱佔唐姓捐入

書院田畝一案蓋自人心日偷無所不有浸假
數十百年後書院膏火之費其能存者有幾因
復令司事臚列書院田房而鐫諸石不獨吾學
中得所考據不虞就湮卽樂輸姓氏亦附是以
永永俱傳諸生咸以爲宜而請記於予故爲之
記不以文而以實

萬壽宮告成恭序 嘉慶二十四年知府何 愚平樂

人生大節無逾忠孝世人皆知盡心竭力於所
生爲孝每謂庶人微賤君門萬里呼籲不聞雖
有懷忠効順之心亦無由自達不知孝弟力田
納賦應役甚至安本分遠刑章無非忠之屬也
直省郡邑建立

萬壽宮固以守令官僚去京日遠有其地得以時瞻
拜如覲

廣南府誌

卷四

文藝

十三

闕庭而凜

大威於咫尺未嘗不借儆縱恣驕佚泄泄沓沓之習
以忠於所事凡厥庶民亦憬然於

天鑒不遠奉公守法謹身無過亦所以教忠也廣南
爲夷地元明代率聽土司世治其民

國朝始設流官建黌宮立學校雖狃獠之俗椎魯
之氓莫不飾冠帶誦詩書興禮樂故今祀典所
載壇墀殿宇皆已如

制輝煌宏敞卽書院義館招提蘭若亦脩葺整齊
可觀惟元旦冬至

聖節文武官

朝賀未有專宮借他地拜祝於臣子之心耿耿有
難安者愚蒞任後有意營造而視力微薄瘠區
又難勸捐積年因循實所疚心嘉慶丙子歲署
寶寧縣李培英交伐清出閑欸銀陸百兩請措
置於予因進士丞儂世熙而告之以意世熙歡
忭激發作而對曰土官世受

廣南府誌

卷四 文藝

十四

國恩生長僻陋從未聞長官訓誨及此今曠若發
矇請如命付土官集其事愚嘉其意具文通詳
大吏舉六百金畀之丁丑之春正度地興工適
值臨安逆匪滋事奉調土練赴剿儂世熙懇切
請行不料以憂鬱卒於軍其事稍寢世熙之母
沈氏賢明婦人也經年慟定論其土目曰太守
以建

萬壽宮事委吾家今世熙不幸太守故不忍督催爾等得不亟亟以成其事於是伐木於山取石於巖庀匠集夫一呼而寨民子來先是儂世熙擇地築基過寬濶地又底窪只得畚土夯築堅實培高一丈建造六角崇閣矗插雲表黃瓦朱楹雕甍畫栱望而知爲

萬壽宮也餘地皆培高五六尺外開東西便門中間穿堂廊房爲文武官待漏立班之所畢備穹崇

廣南府誌

卷四 文藝

十五

博敞冠冕堂皇周圍紅牆繚繞是舉也費用六千餘金牛出寨民之力愚初不料土宮夷民感奮踴躍至此也猗歟盛矣落成之日恭逢我

皇上六旬萬壽誕辰

愚例得偕同官慶祝而鋪張爛

雲霞華燈炫星月雖不克媲美輦轂之下而愚

亦不敢因陋就簡吝私財而失觀瞻故垂白之叟提攜之童以及深山窮谷艾男葉女莫不摩肩擁背氣喘汗流奔走借來五體投地忭舞歡

欣其情亦大可見矣夫夷人獷悍難馴乃出征
則賈勇爭先應役則輸財恐後非儂世熙父子
兄弟涵濡

聖澤恭順素著糾厲有方安能使夷人竭忠嚮義如
此哉謹稽首頓首而爲之序

文昌宮碑記 道光二年

知府何愚 平樂

嘉慶七年壬戌奉

勅准直省府州縣建立

文昌宮春秋二季祭用太牢禮肅三獻猗歟盛矣
攷記載

神上直參宿有忠良孝謹之象詩所謂張仲孝友
者是又謂

文昌星主賞功進爵自唐宋以科目取士士奉之

廣南府誌

卷四

文藝

十七

尤謹往往有驗故今世咸家祝而戶祀焉

命下之日適洽人心之所不言而同然者一時薄海
內外大而通都劇邑小而水渙山隅凡鄉有學
村有塾咸相率增修廟宇虔備牲牷慶

文運之光昌頌

休明之嘉會廣南地圉邊隅人無遠志向來祭祀
皆攝事於他所猶復藉滋訟訴予甚憐焉今幸
守此多年士民恒諒其無他若不及身集衆力

建專祠以副

聖天子之休命後之人將無以圖厥功如是先期詢訪郡人士之殷實者折柬而讌之於堂而告之以意兩日之內簽輸銀三千有奇非無傲狠慳嗇難與言者不過一二人耳坐次土丞族人儂世能儂慶貴作而言曰生祖遺地一區界土丞署左白馬廟右願以建祠可乎予未及諾環坐謹然曰有是哉是衆所心期默禱而不敢必得

者也因競稱其地之高明爽塏據一方之勝或謂某氏居之不一一年而不敢居或謂某某居之二三年輒遷避或謂祥光夜現於山阿又謂赤脉隱藏於地底今得此永奠

神居振我文風矣故予後撰聯云地留福壤育英才蓋紀實也議旣成乃選擇士之謹厚者董司其事芟蕪葺除瓦礫平其不平中構正殿後創奉先祠前建魁閣經始於嘉慶庚辰孟冬落成

於道光辛巳孟秋甫閱月二王生舉於鄉次榜而胡李二生復獲雋爲從來所未有郡人莫不神

神之昭佑歡欣鼓舞咸謂科甲崢嶸冠冕萃與基諸此矣是役也木石磚瓦灰釘髹漆皆準市給值梓人巧者擔夫築作亦視日受傭故費無虛糜而人樂趨事合之建書院綜計銀三千一百兩至於規畫佈置斟酌修飾委之予友道州徐

瑞臨爲其能不辭勞瘁不避嫌怨也綜銀錢則郡人嚴誠胡萬齡購材木則代辦士丞儂兆梅督工匠則郡人張淳張文龍王志章王德明谷伯榮王瑤唐宗誘皆能實心襄事朝夕勤勞用備書之以彰厥美併鐫捐貲姓名於後是爲記

培風書院記 道光二年

知府何愚平樂

城東偏舊有蓮峯書院前人建置非無厚望於學校也自一二不肖踞而營其私而書院事遂不可問故數十年來科目無聞焉癸酉春予移守斯土綜核勾稽清釐整飭得還舊觀又復率屬捐廉俸脩脩脯延明師課生徒今屢科賢書疊報非其效與第院中屋宇散漫學舍鮮少在當日因陋就簡不得不爾比來奮志於學者眾

廣南府誌

卷四 文藝

二十

擔簦負笈將不能容矣庚辰歲議建

文昌宮得儂氏地既喜其高爽寬敞又計衆所捐資亦不薄因思出入有節調度有方似可並創書院於其側俾生童之肄業者萃處近

文昌奎斗凜然於旦夕照臨則心日益檢業日益勵或摩鈍士子之一道也間以意語諸司事諸生僉曰公培植文風慈惠滂薄籌畫周浹非生等所及謹惟命是聽如是量度地面分而爲二

取古人尙右之義以建

文昌宮而以左手地建書院中爲講堂上蓋書樓
顏以雲外香樓仍襲桂香意也後築精廬三間
爲山長之居講堂前後左右列學舍共十四間
燈牕芸案排比相望師友論文警欵可接隙地
置庖厨溷厠畢脩大門三間兩旁設察房俾官
員祭祀有所憇息中仍護以墻垣防兵役闖入
也工旣竣進衣冠之士相與落成而告之曰士

之以科目重也久矣雖然士之重果專係科目
哉諸君子倘能抗懷於科目之上理學名儒孝
友忠義史不絕書甚盛事也而予之歷歲彌年
所亟亟經營一切者實爲科目之爲非無說也
念此地土瘠人貧輕名重利罔知自振誠人人
懸一科目以策其身以訓其子孫則不肖之心
以有所冀於前而不敢萌非道非義之途以有
所怵於後而不敢蹈也試觀近日之士習人心

與太守下車視學之日囂凌詬誅不有異乎聞
士相與語曰微大夫教吾儕不知復爲何人噫
斯語也太守何敢當然無負於爾多士可証信
也繼自今諸君子自愛自重長如與太守共事
之日夫何慮科目不倍蓰於今日耶倘有視書
院爲利窟如蓮峯書院之所爲者是負太守也
是吾學之罪人闔郡之至不肖也旣以告諸生
因並勒之石以垂後而爲之記

廣南府城隍顯靈碑記

知府何愚平樂

天下郡邑設守令以治民事必崇祀

城隍神以理幽事凡世人陰德隱惡守令弗及知

神皆得簿錄之見於載籍者不一人不讀書尠見

寡聞肆無忌憚故弗信耳府屬有小楊者少失

父母常服勞於武生傅興榮家藉以餬口後傭

工於匠人師姓幫拾磚擔土之役一日爲馮氏

築室拆舊牆得藏鏹師與楊分而有之小楊攜

廣南府誌

卷四 文藝

二十三

入城投傅興榮白其情傅欣然許爲營運意甚
善也數日後借事遣小楊奔走各寨中自二月
至十月始得息踵小楊向理前銀傅忽怒曰汝
一孤貧饑僮烏有銀請出券權子母小楊年幼
無知初付托時未念及此傅隨以楊憑空訛詐
逐出小楊含冤控於縣弗得伸傅猶嗾婦女披
髮戴紙錢沿街拜訴若實被小楊妄誣者行道
之人咸鄙而笑之第兩造未赴府愬雖其情可

惡其事難以辭服予因錄所聞牒請於

城隍神文內有鬼附其身使彼自言其事之語詎料不數日傅興榮率其老少婦女逐毆小楊至於府轅予聞而嘆曰

城隍神顯靈矣傅興榮豈不知青衿滋事有干褫革乃敢猖獗到此非鬼奪其魄乎因卽日據情詳革又數日小楊情急欲剗刃於傅興榮寤寐中若被公差引去如官府堂皇者小楊不敢仰視

廣南府誌

卷四 文藝

二十四

上座者諭曰爾毋短見爾失銀日內卽得還吾已爲爾處分矣言竟叱之去小楊夢醒始知非官府也而傅興榮家居則日詈妻孥不應扈愆作此負心事致伊一身受索命之苦終日譖語如瘋顛因而家人惶恐免親友集會館婉致小楊愿還銀若干以寢其事小楊語自其口出傅興榮語得自人言嗚乎

城隍神之威靈顯赫爲何如哉或謂鬼神附身事公

未見也予曰不然夫傳興榮欺詐取財業已經年無字據可憑無原贓可証且也鬼不見誅官不見理迹其肆情遂志牢不可破之心雖三尺在前五刑在後豈能回移其辭卒之不顧入手之財不顧閤城之笑甘心喪氣和盤托出非冥冥中爲之顛倒播弄誰能拘轉其心撥開其口使之自言自語耶况小楊

神猶諭之豈反捨傳興榮而不示之以威乎嗚呼

廣南府誌

卷四 文藝

二十五

城隍神之威靈顯赫爲如何哉觀乎此則凡沒天理昧良心者皆有

神明鑒察亦當恍然悟惕然懼也予必書其事而泐諸石者所以表彰靈異酬進牒時之愿心也而詞不必文語不妨俗者使婦人孺子以及厮役扈養不讀書人一見皆易於曉解也謹盥手而爲之記

送高姬入祀節孝祠記

知府何愚平樂

聖朝褒忠重孝獎賢良旌節義凡直省郡邑暨遐荒僻壤有匹夫匹婦能盡孝於家全節於室者皆得視名宦鄉賢設主而祭於其鄉典至重也廣南誌載節孝者寥寥非無人也以無記載人也以予所聞傳公應奎側室高姬殉節事甚奇因詢老吏呈案牘悉姬事綦詳姬爲陝西三原縣民高某女傳公先尹韓城置爲簪室公以治行

廣南府誌

卷四 文藝

二十六

卓異擢授雲南石屏州牧乾隆五十九年檄護府篆時姬侍公八九年矣公素患痰喘疾姬承順左右潔饘餼奉湯藥弗怠弗懈迨公病沉篤姬籲天祈禱割股和藥以進易簣之日凡附身附棺含殮之具姬皆手自預辦稱情中禮人咸以爲賢顧姬以所天事畢哀號感痛水漿不入口雖臧獲輩亦知姬志決矣閱三晝夜防守偶踈寂寂人定初姬遂投繯以殞寶寧令得信往

視姬深衣縞素密密縫紉首懸白練猶面向靈
牀作長跪狀左肱膊有翦痕血汚模糊撥視砌
下傾瀉餘藥一塊肉宛在衆始驚愕傷悼寶寧
縣前詳可按也嗟乎割肝剖股道非中庸聖人
弗貴然以孝義節烈激於一時豈不足以振頹
風而式末俗哉當時據情請

旌格於成例未蒙題奏余來守此土相距已二十餘
年歎姬脩小星明大義始而割股繼而捐生從

廣南府誌

卷四 文藝

二十七

容慷慨志定神恬顧不獲荷表揚於一死之日
又不獲妥游魂於百年之後非守土者之過歟
郡治向無節孝祠因商之諸生得書院外地舊
宇數楹脩葺聖壇煥然如新顏以題額迺諏吉
日具香楮陳旌蓋備鼓吹先奉姬木主於致命
之室肅拜致告然後迎送入祠是日觀者如堵
墻莫不嘖嘖感歎歡呼稱爲盛事復以郡人之
節孝載在乘誌者俱附於龕俾每歲春秋一體

祭祀今而後郡之婦人女子應曉然於節孝之
當脩而姬之貞魂烈魄亦欣然長逝而無遺憾
也已爰闡幽光以垂不朽謹搦筆而爲之記

科巖馬跡辯

知府何 愚平樂

廣南誌載八景一爲科巖馬跡謂儂智高兵敗策馬躍巖今尙有跡按宋史仁宗皇祐四年廣源州蠻儂智高反命狄青討之又狄青本傳智高兵敗縱火焚城而遁爲大理國所殺其母阿儂一弟二子檻送京師悉戮於市夫儂智高反賊也罪干誅討母子駢戮迹其兵敗奔逃思竄身窮谷草間求活觝觥形狀何堪覆述縱有逆

廣南府誌

卷四 文藝

二十九

跡豈能留豈當留豈可留哉余謂科巖馬跡當是狄武襄或帳下偏裨追逐智高不避斷巖峻嶺其忠勇之氣自足令飛馬踏石成痕如漢李廣射虎中石沒鏃之類當時蠻民倉猝目擊遂以爲智高馬跡數百年來學士大夫亦無辯証明晰則異矣荒陬中書籍鮮少人士見聞僻陋舛謬無學寡識妄聽妄言豈獨一科巖馬跡哉

翠嶺屏風記

舉人王佩璋郡人

滇山皆從龍盤亘地勢然也自蓮城至西洋江漸有如覆鐘者如逆笋者參差羅列心目爲之一開再行百餘里則石峯嶙峋屹屹立於州治東南矗插雲表仰而望之渺不知其幾由旬遠而視之疑天開一幅屏幃色有似孔雀翡翠者爲樹木色歟爲山石色歟日光映射金碧沚耀難辨也故得翠嶺屏風名嶺脚爲土富州廨左右

瓦屋茅舍民夷雜居商農錯處當夫春色明媚日麗晴烘好鳥巧弄於林間珍禽嬌啣於木末此唱彼和非獨砒茲俗耳抑亦觸我吟懷若夫星月皎潔霜露淒清猿啼鶴唳麀鹿宵鳴羈人旅客能不輾轉不寐入耳傷情也哉余偶過富州主人留作十日飲間與其羣從散步山前後見壁立萬仞莫可攀躋因詢土人得鳥道從左麓披榛附藤而上倩彼地人挽於前推於後曲

折登陟約數十里小憩數十次始至其巔因憶
司馬溫公登山有道徐行則不困語乃歎曰快
哉遊也其上皆平壤可畊可蒔其民編茅而居
見余輩爭來留宿欣然具雞黍其夷語啁啾同
行者能辨之次日陰晦山頭四顧冥不知東西
南北仍循原路而歸居停以爲迷途不知宿何
所矣見面詢知莫不大駭余因語之曰鄆伯詠
翠嶺屏風有登臨除是附神仙之句余今竟作

神仙一度歸可以誇於郡伯矣因狂笑記之

豐年洞記

舉人戴清郡人

步出城東十餘里路忽坦夷忽坡陀忽曲折經行田陞上又踰溪澗始抵豐年洞洞高廣約十丈地皆沙石仰望如倒垂猪羊形如駱駝獅子狀差堪賞玩再入則黑暗窄狹石磴高下崎嶇非火籠照耀作蛇行不能前盡處復寬濶下有潭極深水清澈對面一硤透漏天光水從硤瀉出不知何處惟聞砰磅訇磕聲疑爲長江大河

也太守何公祈雨於此使人深入請水出而道其狀固知爲龍神窟穴洞在荒服昔爲野人遊女幽會之所土人呼爲風流洞後鍾太守以其名不雅馴更曰豐年洞鑄諸石已非復夷風矣近則禱雨屢著靈感庇及三農居然爲吾郡之望焉余曾讀柳子厚黃溪記茅鹿門謂天地內不特遺才不得試併有名山絕壑而不得自炫於騷人墨客之文者曷可勝道余於豐年洞亦

云因記之以寄慨

廣南府誌

卷四

文藝

三十三

靈雨亭記

舉人胡慶元 郡人

遙望東南半壁山勢巖業龍嵒磅礴綿緲界在蠻夷徒供樵夫牧豎採取無有舉其名者嘉慶丙子夏旱甚太守何公祈禱殆徧卒不得雨因思曰名山大川實與雲雨東南一帶山勢巍峩豐年洞幽深焉知非山靈攸居神龍攸宅也於是率同城文武紳士涓潔拜禱山下請水洞中踰日山前後雲霧瀰漫霽雨霽霈是歲滇南各

郡奇荒獨廣南大熟郡人士感頌公公曰山之靈也吾何與焉非所謂歸功太守太守不有者耶因山本無名隨名爲靈雨山自山脚至山腰翠微處約高數十丈洞穴深邃視豐年洞稍隘旁有路可通公乃塑龍神山神像設龕而祀之土口儂應祥等仰體公意輓運木瓦構亭於其前公因顏曰靈雨亭以答神貺公守廣南最久偶遇亢旱祈禱無不應每歲嘉平必刲羊屠豕

登陟而報賽焉年來山下左右數十里寨民豚蹄雞酒求福禱病匍匐而跪拜亭下者日絡繹不絕非風行草偃之象歟公聞之曰吾止爲祈雨計此則非吾所知也然亦不必作道學家語而禁之也慶元以待坐得聆公論又喜爲吾郡表茲靈境也故樂而爲之記

雲外香樓賦

以天香雲外飄爲韻

舉人楊學周蒙自

樓高北斗雲爛南天闢重岡而結構壯萬里以
迤延碧瓦紅墻迥接月中丹桂綠窗朱戶平分
嶺上青蓮置身百尺樓頭若蘭若蕙放眼四通
郊外非霧非烟爽氣朝來髣髴口含雞舌好風
晚送依稀鬣佩龍涎溯岑樓之始創值鄉榜之
初張

恩覃俊乂歲紀道光爰培風而卜築遂擇日以披

廣南府誌

卷四

文藝

三十六

乃立學舍乃建講堂構櫺縱橫神明嘔其特

薨楹突兀星月朗以相當應

聖世之休徵百堵作而輝聯奎壁開邊域之盛事一
榜放而羨濟文昌拾級而登挹芳馨於懷袖探
囊以取襲繡彩於衣裳昭明之文選雖高豈焚
翻齊篤耨庾公之談詠自適誰熏迷迭都梁矧
茲地僻合是天香爾迺天瑞人瑞卿雲景雲拂
南榮而霏霏郁郁靄東觀而苾苾芬芬長笛一

聲吹散瑤階芳馥素書萬卷披開玉宇氤氳乍
疑廣寒宮中奇葩璀璨更憶大羅天上舞羽繽
紛倘道蜃氣結成安得濃薰班馬浸假露華零
落相將研點義文於焉蓄奇弼中振采彪外適
八月之良宵幸千秋之嘉會捲幔則馥馥馥馥
鈎簾則醺醺醺醺豈其夢入華胥之國丹鍊金
爐或者神遊化人之域澤流冠蓋殊香異味今
夕自足歡娛賸馥殘膏後人猶堪沾丐珠英的

的金粟飄飄氣吸清虛坐翠微而躬邀蕭史精
餐沆瀣窺碧落而手拍王喬莫不振衣於綺馥
躡履於岩堯探月窟摩烟霄身名俱泰科甲連
鑣是以詩題甫發樓額旋標明主司以之網羅
俊彥賢太守以之鼓舞英翹

城隍神祈雨文

嘉慶二十一年知府何愚平樂

吏之罪大矣民之過彰矣以致上干

天之怒

神之怨時屆孟夏雨澤愆期日昨禱祀雖蒙

庥佑旋屯其膏田土焦燥如故將何以施犁鍤亟

栽種冀收成哉茲愚等恐懼脩省瀝情瀆告吏

誠可罪於民無與也民誠可罪於衆無與也若

常暘爲沴稻不可種民將安所託命哉民艱

廣南府誌

卷四 文藝

三十八

食吏尙不忍

神豈忍乎哉惟

神福庇下民

威靈赫濯興雲降雨豈如吏幽明隔閼誘之於已

力之無可如何也哉若有求弗應民必謂

神無靈

神不受也謂

神不愛民

神更不受也竚望

降鑒微忱迅賜顯應斬旱魃囚青耕

大沛滂沱以甦畝畝郡人獲濟

神亦有依愚等不勝慚惶悚惕匍匐拜禱之至謹

告

龍神祈雨文

知府何 愚平樂

吏不勝任德薄才寡致干和氣又不能積誠感
格禱請已遍旋雨旋晴漸成亢陽之象稻田難
種民命何託思昔戴封張熹積薪救旱吏旣不
能暴厓焚巫吏又不敢茲事迫情急祈禱至於
再至於三爲黷已甚然吏無可如何也惟

神普濟羣生

庇廕此土語曰有功德於民者則祀之又曰大

廣南府誌

卷四

文藝

四十

祈而不祠倘亢旱成災祀典不舉亦

神之羞也吏實惴惴恐懼死不塞責覲顏瀆請尙
乞

降鑒俯賜

甘霖

沛滂沱於旦暮俾優渥於原田以遂民生以慰民

望庶閭郡士民咸知

神靈顯赫應如影響焉謹告

四境山川祈雨文

知府何愚平樂

惟

神德隆厚土

望重方隅

載物生財萬彙資其長養

興雲降雨百穀賴以繁昌茲者雨澤愆期禾苗就

槁陳祈旣徧請禱無靈愚等德愧事

神術窮救旱慄慄危懼悄悄殷憂惟有匍匐

廣南府誌

卷四 文藝

四十一

崇封籲呼

鉅鎮伏冀

毓靈孕霧灑甘露於四郊

潤物資生沛

恩膏於萬井人無苦夏歲以有秋謹疏

蚩尤神祈雨文

知府何愚平樂

惟

神先天神異

上古精靈

戰大漠而困軒轅

陣涿鹿而迷黃帝

指揮霧露

叱吒風雲茲者旱魃肆災驕陽爲沴愚等敬迎

廣南府誌

卷四

文藝

四十二

聖駕

惠降壇場伏奠

奮迅威靈

張皇神道

仗黃鉞而誅旱癘

秉玉斧以斬青耕

瑞霧瀰漫於山川

甘露霽霈乎原野式孚衆望永頌

神麻謹疏

廣南府誌

卷四 文藝

四十三

南壇祈雨文

知府何 愚 平樂

周禮歲旱暵則舞雩雩祭也謂爲百穀以祈甘雨也漢唐以來遇旱則禱於社稷山川之常與雲雨者董仲舒曰夏求雨爲壇於南門外祭蚩尤之神皆古人行之有效者今廣南恒暘爲沴密雲不雨東作弗興安望秋成人情惴惴吏能奉法令督賦役平獄訟耳至感召

天和風雨時順則力不能以德不足也故遇水旱

廣南府誌

卷四 文藝

四十四

奔禱

神廟幸蒙

福佑依然竊祿於茲土此愚等所自知自誦不能不乞靈於

神也用是敬乞古制設壇於南郊維

神爲民之主有禱輒應必能出雲降雨以解倒懸惠編氓非如吏之無能也愚等齋戒恐懼不知愧恥陳詞祈請尙乞

迅賜甘霖優渥霑足俾歲無害民以永賴謹告

廣南府誌

卷四 文藝

四十五

祈雨文

嘉慶二十四年

知府何

愚

平樂

天之厭吏甚矣當茲亢旱爲災吏爲民請

命至於再至於三訖不蒙渥澤愚等渺渺小臣禮

不得祀天地其不能邀

天鑒也固宜惟

神以功德享祀茲土春祈秋報

朝廷責吏舉行豈非以吏治明以

神理幽呼吸可通乎吏平居慢

廣南府誌

卷四

文藝

四十六

神虐民致菑害琿臻飾虛詞陳諛祝以祈羨報

何可追吏之誅若吏以情請而

神不聞不見可乎吏與士民誠不善摘而罰之誰

曰不然而移災於歲是善不善均無所逃也

天地之德本於大生

神聖之仁期於並育伏乞

普賜甘霖

疊施靈雨

沛滂沱於旦暮起耕犁於田疇秋成有望民命有
依謹告

廣南府誌

卷四

文藝

四七

龍潭取水祈雨文

知府何愚平樂

惟

神尊居水府

福佑粒民

吸研水而沛甘膏

灑楊枝而成渥澤茲者稼當芒種烏亦催耕町畦

乏雨澤之濡石田豈人力可懇農閒南畝雲密

西郊愚等忝任邊隅深慙薄德念民生之攸寄

廣南府誌

卷四

文藝

四十八

仗

神力之普存敬叩

法宮請迎

聖水願

布涓滴之惠卽成

滂沱之恩慰我四民殖茲五穀尙希

元感默鑒丹誠謹告

謝雨文

知府何愚平樂

昨因雨澤愆期人心惶恐謹蠲潔設壇墀奔走羣望仰蒙

昭示顯應雲興霧冒電掣雷轟斬旱魃驅癘鬼風和雨潤

大沛滂沱士民商賈歡於市耕夫饁婦慶於野文武官疚心忍恥依然竊祿於斯感荷

神貺寧有涯涘乎茲粗舉祀事何能荅報萬一耶

廣南府誌

卷四 文藝

四十九

愚等更有請者廣南山高土燥民力偷惰終歲貪天之功以謂將受厥明非

甘霖疊沛繼繼承承無曠曠無傷霑豈足以彰神靈護佑哉禮有祈有報今報而復陳祈者爲民非爲私也謹將牲醴酬謝

洪庥尙乞

降鑒以畀有秋尙

饗

禳災文 道光四年

知府何 愚平樂

維

神位重方隅

功崇保障

捍災禦患聰明正直謂之神

驅厲逐魔遠近幽深知其物共仰

威靈之有赫豈容鬼魅之爲災乃以乖戾偶干

天地之和遂致疵癘漸傷人民之命愚等弭災無狀

廣南府誌

卷四

文藝

五十

恃

神有靈爰建

醮壇虔求

黼座伏願

仁風惠露長教和氣之致祥

烈日嚴霜毋使游魂之爲變

仗鉄鉞而誅疫癘

揚戈盾以斬妖邪

拯蔀屋於安康

躋編氓於仁壽士民永歌

愷澤官吏咸頌

聲靈謹疏

廣南府誌

卷四

文藝

五十一

禳災文 五年

知府何 愚 平樂

維

神保障邊隅

鑒察下土

彰善癉惡凡民有忤於天違於人逆於倫悍於法而兇於形者

神皆隨其自作之孽而應之以降殃禍焉皆民之爲也此以理言者也若夫疫癘爲災流行傳

廣南府誌

卷四

文藝

五十二

株連蔓引朝而人夕而鬼無鰥寡孤獨之哀

此不可以理言者也考古語瘟疫之鬼不犯忠臣孝子積善之家然邊徼之區茫昧成俗不能忠孝積善者在在皆是今

聖天子養育羣生矜恤人命萬里之外神人奉職蚩蚩者氓豈令魑魅魍魎得肆其虐哉又聞疫之來也本境奉祀之

神皆得而禁遏之驅除之所謂禦災捍患也今民

多疾疫士民請於吏設壇建醮齊心一志籲懇
神祇伏冀

勅神荼

命方相

麾靈旗而殲妖癘

仗寶劍以逐邪魔靖四境之惡氛昭

諸天之顯佑謹

疏

廣南府誌

卷四

文藝

五十三

廣南漢夷雜處或耕或讀各務本業惟悞

遼濶深山密箐各省無賴流民竄處其間易

滋事端 郡伯不園先生政成寬猛良善懷

德姦宄畏威是以地方安堵年豐人樂癸未

歲 公俸滿北上而神姦巨蠹私販充斥煽

惑蚩氓歛錢上控從事者欲如太上之得民

水懦民玩而地方不可問已甲申 公復任

覩時度事慨然曰和氣致祥乖氣致戾今如

此不遭災疫必有凶年矣至七月果有轉筋
之症乙酉夏亦然士人羣請於公設壇建
醮公作文祈禳郡城兩載幸保平安而滋
事各寨畢竟死人如麻嗚乎誰執其咎哉因
刻府誌郡人士請泐其文以垂永鑒
周國珍謹識

廣南府誌

卷四

文藝

五十四

來吉亭成復賦五言古一首以伸其意

知府何 愚 平樂

在昔沙儂裔荒怪各成俗華風日已開精饌飾
廬屋雁戶編五方地不比心腹憶我下車時黔
首額頻蹙城闈村寨閒收攘矯虔逐雞犬不得
息休說永蛇毒目擊傷乃心何以慰憚獨火烈
望則畏豺虎應轂赫將求四境安遑恤一家哭
豈無蚩蚩氓兩造蝸角觸吾德謝龔黃鞭笞豈

廣南府誌

卷四

文藝

五十五

免辱乖崖嚴繩吏于公寬讞獄治道固多端人
情體要曲持此報

國恩其他殊碌碌至於比歲登陰陽無愆伏氛沴
氣消除邊徼風肅穆

聖世理之常功豈關守牧詎期寡薄身輿頌騰山谷
土風一何厚情誼一何篤念我老好游西郊俄
小築落成值九秋欣逢書大熟有

詔出蓬瀛膝前慰舐犢斯文霞蔚興城中鸚薦續際

此興遄飛誰能倦遊躅折簡招賓朋客主恣眺
矚窗列萬山青檻映千林綠一詠復一觴何必
絲兼竹人生行樂耳安能日僕僕浸假恒於斯
吾心固已足坐客來吉亭看我芙蓉籠風月談
晨昏雨雪哦寒燠春聽柳梢鶯秋採籬東菊戀
棧復奚辭無暇返初照客行前致詞題額意何
屬或謂遠者來吉祥被水陸抑謂來憇者人人
叶吉卜茲郡生益繁茲亭堅且樸年年自有亭

廣南府誌

卷四 文藝

五十六

歲歲自邀福仁言其利溥辭指劇含蓄主人再
拜客諸願如尊祝

賦來吉亭寄贈不園太守

通政使

張鵬展

上林

佳士如時花含薰待春至善政如好風翕翕
以意相與淡無跡淪浹惟一氣優游積歲月遂
若有神異吾鄉不園翁天骨迴清粹洪流峙千
尺玉立儵然寄獨餘愛士心竟類昌歎嗜公暇
一燈青環對析奇字廣南及三載兩入登科記

竟使巖疆人仙桂等平地時和民樂康築亭娛
君志不負平生懷珍重親風義南來一片雲瑤
章燦可示萬里見孤衷天末增遙思

來吉亭轉韻七言古一首

永平史

昂山陰

廣南半屬沙儂裔久漸華風消悍戾就中猶逞
攘敗疆我公詰奸除流弊萑苻蹟滅園扉空太
守不伐誰歸功從來名士有游癖況乃心閒值
大同礮啞想見西郊路中有一亭隔烟樹四出
高插青芙蓉賓佐從公日來去亭成正遇歲功
美頴栗黃雲被千里更聞

典試宣

黃麻承

恩却是佳公子手持鐵網收珊瑚西甌那復有遺珠
萬選理趣黠險怪劉幾紅勒看模糊郡中佳士
復鶚薦虛白生亭數開宴肇窠大字書來吉君
子勞謙歌既見古昔頌德咸歌詩今惟昉古據

廣南府誌

卷四

文藝

五十七

新辭下筆烟雲滿素壁百篇欲問誰雄雌黃裳
惜未居末坐猶幸詩筒許追和久不作詩已畏
難况讀驪珠四百箇公寄十五韻竭來滇南十二
秋山水往往陪公游斯亭那說未目覩新詩已
覺龍眠羞公詩自有風雲護斯亭得公亦殊遇
後有來者五百年摩抄蒼苔覓奇句

豐年洞歌 并序

舉人戴清 郡人

郡東山巒重複下有洞穴俗呼為風流洞某太守顏以豐年今郡伯何游覽至此遣人秉

廣南府誌

卷四 文藝

五十八

炬入視得潭潤而深公曰必有龍也十餘年來偶值旱乾禱雨於此輒應縱巨龜沈虎頭皆公所雨法也郡人驚為神異建亭於翠微處呼山曰靈雨山亭曰靈雨亭云

城東郊外攢諸峯巒嵒嵒峨重復重林木蒼蔚
麋鹿宅惟見樵蘇牧豎蹤山脚洞裏泉澄澈何
時曲蟠潛蛟龍此山此洞歲月古苗蠻惡俗何
足數風流豐年轉喉間意示尊農賤情窳如今
山水更昭靈孚我府君福下土吾鄉土質燥且
浮歲旱往往為公憂奔走羣望禮羣祀牲牲具

舉圭璧投致雨興雲書龜背驚龍起蟄沉虎頭
市人相顧笑迂腐回看風霧滿城樓斯時不獨
令公喜士女歡呼遍閭里嵌空靈雨一亭成豐
樂千秋應媿美從茲受賜頌康年齊民祈禱踵
接趾我適倦遊邨征驂鄉人爭說異政三郡有
靈跡思仰止山光水色舊曾諳神所憑依將在
德君不見上有千尋之香龕下有百丈之螭潭
題來吉亭集唐人句
舉人鞠養粹楚雄

廣南府誌

卷四 文藝

五十九

山水開精舍

陳子昂

長吟野望時杜甫好風能自至

錢起芳樹本多奇

盧照鄰

嫩竹含新粉王維踈楊掛綠

絲李謀猷歸哲匠

王維

小謝有新詩李嘉祐

運銅過富州

浙江知縣

郭文鈺

福建舉人

土州承世職公廨敞層巔族詡分全浙

沈土州原籍浙

江官仍是備員山深苗構屋磴接客開廛板蚌

江流疾

運銅必經

麻龍卡砦堅界離交阯近壤與武

籠連賈舶來從粵郵程遠自滇三花驅老馬獨

木泛輕船溪河窄狹皆豈有奇珍販多將土物

傳虎頭蘭似箭人面竹如椽竹皆似人面藥貿千張

紙藥衣裝幾樹棉沿路棉花豬常入饌穀犬每

登筵穀犬也婦女溪頭浴樵蘇石背眠刀耕勞瘠

土瓢飲樂豐年結網沙人慣擔薪罷子便夷獠

情獷悍夕哨氣炎燁土官轄四十八奉檄穿雲嶠籌

銅入瘴烟來遊窮景物歸去富詩篇一體勤

王事休嗟地遠偏

廣南府誌 卷四 文藝

六十

皇姑墳詩并序

檢討王思訓 昆明

余客廣南聞蓮花山麓有皇姑墳出探唯斷碑卧豐草中拭之見丹書明桂端王府安化

郡王之墓土人云明永明王妹也年十六未降隨王播遷病卒葬此留守塚二戶今居木

帖有老主宮人猶藏主生時錦帳欲借觀不果後茹太守紫庭重築其墓而表其舊碑焉

風摧穠棣蚤春殘杯土香銷淚未乾直化蟬嘶

歸故國肯分菱照覓新官烟霏野草金蠶寂瘴

落蠻花石鏡寒惆悵瑤姬歸楚岫青青宿草碣

留丹

廣南懷古 詠狄武襄

浙江知縣

郭文鈺

福建舉人

當年慷慨請南征，嶺表蠻氛指顧清。
三鼓奪關神莫測，百錢祈廟事堪驚。
科巖尙記追奔蹟，人傳公追儂宋史頻書善用兵。
不是龐公能執議，爭教行伍建勳名。

郡人於西郊築亭數椽，以備遊觀。因賦七律落成。
知府何愚平樂

六十歲翁從政久，二千石祿荷。

廣南府誌

卷四

文藝

六十一

恩深未能善俗，應惶悚縱有名山。敢討尋鴻爪，豈期留故迹。黍苗難免望重陰，不知頌我還規我小。築辛勤，佐醉吟。

從茲觴詠繼巖疆，此舉真成蟹有匡。吾國舊亭天繪改，韓公老圃晚香長。吁嗟地薄人情厚，慙愧官閒士庶忙。他日徐商身後計，蓮花峯下是

桐鄉

疊前韻二律

知府何

愚平樂

老來時事力難任一卧山城歲月深每慮倘規
還錯矩休論枉尺欲伸尋郡人自有江和蔡覲
書蔡詩友非無沈與陰感謝鴻篇多獎飾報章
謨傳
依舊繞梅吟

漫把園林問辟疆停觴且訪說詩匡原知集腋
形吾短故作抽絲理衆長白雪繽紛官廨滿碧
紗籠罩僕臺忙如何任性龍鍾叟又聽歌呼在
貴鄉

廣南府誌 卷四 文藝

六十二

和來吉亭元韻

河南學政 姚元之 安徽

使君五馬出楊林森森西洋江水深搜粟願同
張立道授經羞說異牟尋風生熨道回春暖日
下山城帶夕陰誰謂彩雲飛不到官閒今作浪
仙吟

九霄龍雨劃分疆又見文星戴斗匡麥隴自消
龜背圻槐花頰逐馬蹄忙西南故老情何切六
一清風興甚長記取郵亭歌送日遠人爭說鄭

公鄉

來吉亭和韻

昆明進士 保先烈 湖北知縣

萬里驅車清節著三年假館故情深寬嚴政在人爭仰豐樂亭成事可尋地止一區收遠景牕開四面得濃陰公餘屢許陪隅坐閒聽村氓野老吟

仁風幾載扇邊疆善俗宜民道一匡遺愛自隨來吉永茲亭應與去思長請看桂榜聯翩起尚

廣南府誌

卷四 文藝

六十三

說槐衙訓課忙恨我鶴書催去馬低徊難別鄭公鄉

來吉亭和外父元韻

廩生 呂元音 平樂

迤東名物久傾心澤比洋江一樣深閭里旣經長靜鎮山林何礙細搜尋堦前喬木參天秀檻外甘棠遍地陰料得兒童編竹馬笑迎遊騎助

謳吟

他年建節撫封疆康濟生民道用匡堂構栽培

基已厚亭臺賞玩事方長
弓刀不擾夷民樂觴詠
追陪屬吏忙家有名園
公莫忘白頭衣錦好還鄉

來吉亭和韻

舉人王佩璋郡人

仙吏偶臨邀澤渥佛場初選抗懷深
三間屋築民爭赴一卷書攜鶴共尋好
對清談開水榭如逢勝景到山陰
遐萌也識弦歌化短笛頻吹助遠吟

廣南府誌

卷四

文藝

六十四

翩翩吉鳳莅邊疆大雅扶輪傲不匡
蔭借棠陰題字古香流秫酒寫情長
山橫客坐蓮花聳雪趁梅簷鶴翅忙
太守自全真樂在而今人說鄭公鄉

來吉亭和韻

拔貢陳九功郡人

太守蒼顏勤政久邊城黔首望恩深
文翁禮樂殷勤布白傅樓臺次第尋
把盞定知懷嶺嶠登亭何異入山陰
岳陽遺意分明見憂樂關心付

雅吟

熙熙四境樂無疆
治績真同大小匡
澤我青衿如化雨
祝公白首與年長
從知結構千秋在
誰識憂勞五夜忙
士庶觀遊須省記
幾時亭榭壯吾鄉

來吉亭和韻

貢生 潘定衡 郡人

華構築成佳境遠
籃輿度處彩雲深
禪房花木隨心賞
山館烟霞任意尋
召伯甘棠同蔽芾
寇公遺柏有濃陰
却愁徵霸無多日
留與吾儕自在吟

廣南府誌

卷四

文藝

六十五

來吉亭和韻

貢生 張 淳 郡人

早仰軒車黃叔度
恩波霑溉玉泉深
初開佛地迎輿出
更把山亭附郭尋
四面軒窗留月影
一肩琴鶴到花陰
醉翁意在同民樂
不爲醒時搦管吟

山河鬱鬱舊封疆
一變蠻風識大匡
未辨去思

人意切先看來吉

國恩長堦前湜籍呈詩拙寺裏方干執爨忙他日
見懷賢太守鏤金鑄范供枌鄉

來吉亭和韻

廩生 楊兆慶 郡人

太守循聲寄遠疆言詩更似解頤匡應知杜老
寒情在不信歐公醉意長地近自兼城市樂亭
成還慮里閭忙若教五馬年年駐瘴嶺都成禮
義鄉

廣南府誌

卷四

文藝

六十六

來吉亭和韻

生員 徐斗山 郡人

十載鴻猷著遠疆何須小築見胥匡詩書有味
官情淡山水無名野趣長客至留題分唱和子
來急誠勿奔忙醉翁意在非關酒莫認旗亭是
醉鄉

題靈雨亭

知縣 許澄清 海鹽

谿訝百丈架虛亭不爲登高爲表靈雲聳山巒
連蜺躍風來谷口帶龍腥誰依半壁陳三瓦我

欲千秋薦一劔此後豐年頌將受摩挲石藓認
鑱青

甲申九日不園郡伯招登雲外香樓

舉人楊學周蒙自

太守重回續舊遊登臨結客坐香樓當窗楓葉
經霜艷繞砌菊花近夕幽賦擅龍山思往事名
高虎榜祝來秋莫辭醕酌酬佳節十首新詩當
酒籌公出竹枝詞十首
坐客莫不噴飯

廣南府誌

卷四

文藝

六十七

蓮郡宵燈

知府何愚平樂

如蓮山勢繞邊城景物殷繁紀太平玉燭通衢
輝郡閣牙籌永夜振街棚笙歌錯落三更鼓奏
展勾留二尺檠最是諸生文戰罷出門猶似火
龍迎

楠溪晝艇

見說楠溪景最幽家家都築望江樓回篙亂刺
翻魚腹掛席忙收占馬頭鳥戀花迎千里客鹽

喧米闋四時舟莫嫌太守無多與到此曾教半
日遊

龍湫陰雨

時方久旱祈雨

水有靈兮不在深多時未見老龍吟祈將噓氣
成雲手化作爲霖濟物心入土幾曾泥滑滑潛
淵休要睡沉沉朝陰暮霽終何益禱雨詩投望
賞音

虎阜晴霞

廣南府誌

卷四

文藝

六十八

探奇何處駐驂駢虎阜岡平水草肥倚檻正當
浮霧散含毫又見落霞飛晴烘樹樹吳綾畫
照山山蜀錦衣組練三千嘗振此風雲若爲展
旌旗

翠嶺屏風

不辭蒸瘴赴雲邊峻嶺奇峰落眼前方重儼如
瞻泰岱登臨除是附神仙石華色染鴉青豔露
葉光浮翡翠鮮一變白墳黃壤局山靈且使地

無權

響泉瀑布

杖策經過響水塘依稀冰柱界山陽九天誰瀉
銀河影六月還生石徑涼聲韻琤琮諧律呂源
頭活潑悟文章巖巖兀自能滋物請看飛流灌
一方

普廳秋稼

深山豈有綠莎廳廳外响畦一片青春後犁鋤

廣南府誌

卷四 文藝

六十九

如雨集秋來場圃似雲停長鑱柄擔輸高宅小
犢車驅過短亭新穀糶些先貰酒木棉樹下醉
還醒

半引

博瀨春遊

清明前後足歡娛博瀨灘頭記早趨翠蓋雲鬟
來麗者青衫霧縠走狂奴未知東道誰爲主不
信羅敷自有夫翻笑江南逞遊冶杏花春雨太
模糊

蓮郡宵燈

舉人呂林
普洱

曾聞蓮郡慶年豐
夾道蘭缸徹夜紅
人影縱橫燈影下
書聲斷續漏聲中
光明不假燃松節
方便如逢導燭籠
回憶火城觀榜日
一宵身在廣寒宮

蓮郡宵燈

貢生溫如奏
明

使君卽景囑抽毫
入夜長衢覽一遭
酒肆

蓮府近書燈光遠
桂樓高兩行蠟炬
攤瓜果幾

廣南府誌

卷四 文藝

七十

處松棚售棗餠
自信宵行非杜牧
不煩街卒報旌旄

蓮郡宵燈

舉人胡慶元
郡人

山城何處話良宵
十字街前景最饒
瓜瓞青紅光閃閃
酒甯赤白影影誰
來闌闌栽珠樹或
遣文章映斗杓
司寤不須頻禁夜
太平有象任逍遙

楠溪晝艇

貢生溫如春
昆明

楠溪一水碧如油俯檻閒看小艇遊脫履朝牽
青雀舫插篙夜傍白蘋洲人依雁鷺爭眠食客
借魚蝦供膳羞三五連檣燈數點漁歌野調起
船頭

龍湫陰雨

經歷談 淳仁和

山氣迷離水氣浮行人指點說龍湫濕雲迤徑
青如畫陰雨著花翠欲流漠漠田原聞叱犂幽
幽林木聽鳴鳩卑官詎作爲霖夢利物期將素

廣南府誌

卷四

文藝

七十一

志酬

龍湫陰雨

貢生溫如春 昆明

龍蟠聞在此湫中陰雨迷離望若空萬樹烟嵐
籠黯淡四山雲霧鎖冥濛時無杜甫詩難狀地
乏關仝畫不工豈獨遊人傳勝景田家到處頌
年豐

虎阜晴霞

舉人呂林 普洱

閒來覽勝出西城紫靄紅輝照眼明此日鷹揚

常耀武當年虎踞偶傳名餘霞散綺通花縣新
月如弓掛柳營

盛代只今消暴厲榮光纔現彩雲生

翠嶺屏風

副榜 李如珠 郡人

誰遣名山插半空天然屏幃峙南東如金陷就
光搖漾似鈿瓊成色鬱葱幾度礙烟還礙霧千
尋宜雨又宜風蠻荒翠嶺知多少才荷標題便
不同

廣南府誌

卷四

文藝

七十二

響泉瀑布

副榜 李如珠 郡人

殷殷雷聲何處顛由來絕壁噴飛泉衝巖吼谷
驚猿鶴濺沫奔濤亂管絃百丈銀河青靄外一
條玉虹 絳翠微前徐凝好句容偷否 蕊果詩家
費洗滌

普廳秋稼

經歷 談 淳 仁和

人生生計在西疇况復邊城更望秋綠野千畦
前日秀黃雲四望此時稠豐盈共喜來田畝大

有曾書上督郵蠻府參軍無箇事且將蠻語詠
甌窶

普廳秋稼

舉人胡慶元 郡人

參軍廳外是平疇好景多於八月秋月白夜深
香細細雲黃風起影浮浮餘糧棲畝羣鵝喋滯
穗盈塍寡婦哀曾為舌耕經過地收將今日佐
歌謳

博瀨春遊

經歷談 淳仁和

廣南府誌 卷四 文藝

七十三

一年好景數清明士女乘春樂事并談笑偶隨
冠蓋意醉歸誰念豆觴情杯盤率素風原古致
弁紛陳事太生相贈未曾將芍藥任他閨論與
鄉評

蓮郡宵燈

知縣何蘭汀 山陰

蓮花地裏撒金蓮恍似金吾不禁天到此萬家
生佛地傳燈香火證前緣廣南科名本少太
餘年癸酉丙子以來疊中乙科由是
雁塔題名紅綾賜宴將拭目以俟之

楠溪畫艇

兩山夾水一溪春舟子頻呼夜向晨只怕風流
爭奔競不教却友作宵人宦途甘載閱人多矣未免感慨係之

虎阜晴霞

昔年曾記宰丹霞異事爭傳虎渡誇閩海真巖

皆赤子敢將苛政誤桑麻憶辛未壬申承乏龍溪即丹霞去地昔有

虎渡之異回想曩時除暴鋤奸曷勝感慨云爾

龍湫陰雨

廣南府誌

卷四

藝

七十四

龍雷雲水重經綸禱雨祈晴果有神須識陰陽

資燮理調元猶憶問牛人易大象雲雷屯子以經綸本義

綸

翠嶺屏風

樓臺終日一家坐屏幃當空四面圍瘴雨蠻烟

萬里外會稽山水想依稀四面無時不屏幃一家終日坐樓臺此王

梅溪會稽山詩句也土富州沈公山陰人係汀同鄉故云

響泉瀑布

側聽鳴玉嗽飛泉峭壁懸崖匹練然我是浙江
東渡客雪濤猶認廣陵前

普廳秋稼

撫茲足食豐衣侶世業輕徭薄賦田多稼如雲
書大有康衢耕鑿樂堯天

剝瀨春遊

王道人情古有之采蘭贈藥鄭風詩仲春令會
周官禮此是睢麟雅化時

